


明世法錄


八十一之八

			二	漢
		九	三	書
		三	〇	門
五	九	八		
冊	架	函	號	類

庫文閣內			
二	二		漢
九	五		書
函	九		
一	五		
六	八		
架	冊	號	類

內閣文庫			
番號	漢	2228	
冊數	59(50)		
函號	295	56	





皇明世法錄卷之八十


淺草文庫

史官 陳仁錫 編輯

套虜

天順六年正月虜入河套。是時孛來稍衰。其大酋毛里孩阿羅出少師猛可與孛來相仇殺。而立脫思為可汗。脫思故小王子從兄也。於是毛里孩阿羅出孛羅忽三酋始入河套。爭水草不相下。以故不能深入為寇。時遣人貢馬。然亦通朶顏諸戎。時竊邊郡。

按河套周迴三百。阻黃河。土肥饒。可耕桑。切近陝



西榆林堡。東至山西偏頭關。西至寧夏鎮。東西可二千里。南至邊牆。北至黃河。遠者八九百里。近者二三百里。卽周之朔方。秦之所取。匈奴河南地。漢之定襄郡。赫連勃勃。趙元昊之所據。以爲國者也。唐三受降城。在河套北。黃河之外。元東勝州。在受降城之東。國初虜遁。河外居漠北。延綏無事。正統以後。浸失其險。虜始渡河犯邊。鎮守都督王禎始築榆林城。創沿邊一帶營堡墩臺。累增至二十四所。歲調延安綏德慶陽三衛官軍分戍。而河南陝西客兵助之。列營積糧。以遏寇路。景泰初。虜犯延

慶。不敢深入。天順初。阿羅出掠。我邊人以爲嚮導。因知河套所在。不時出沒。遂爲邊境剝膚之害。成化元年十月。毛里孩寇陝西。都御史項忠及彰武伯楊信禦之。虜遁。

二年三月。延綏紀功兵部郎中楊琚奏。河套達賊屢爲邊患。近有百戶朱長年七十餘。自幼熟遊河套。親與臣言。套內地廣田腴。亦有鹽池海子葭州等。民多出墩外種食。正統間有寧夏副總兵黃鑑奏。欲偏頭關東勝關黃河西岍地名一顆樹。起至榆溝。速迷都六鎮。沙河海子山火石腦兒。蘇石海。

皇明世宗 卷八十一
子回回墓紅鹽池百眼井甜水井黃沙溝至寧夏
黑山背馬營等處共立十三城堡七十三墩臺東
西七百餘里實與偏頭關寧夏相接惟隔一黃河
耳當時議者以爲地土平漫難據已之後總兵官
石亨又奏欲將延綏一帶營堡移徙直道實爲萬
世防邊之長策也

上曰楊琚所奏移堡防邊具有證據其言有理兵部
卽會官議處以聞

六月大學士李賢等奏河套與延綏接境原非胡
虜巢穴今虜酋毛里孩居處其中出沒不常今欲
安邊必須大舉而後可乞令兵部會官博議進兵
搜勦務在盡絕其總制將官與凡出兵事宜俱預
處請畫又秋禾方熟虜騎必入掠而延綏廊慶環
縣一帶宜推選武將一人統步騎精兵萬人守禦
計處庶幾有備無患於是兵部尚書王復同孫繼
宗等集議以大同總兵楊信舊鎮延綏稔知地利
宜召還京面受成算其陝西延綏寧夏甘涼大同
宣府鎮巡諸官亦宜勅令整飭兵備候至期調發
又信旣召還可以脩武伯沈煜代之

上允所擬遂召信還乃勅陝西巡撫項忠太監裴當

皇明世宗 卷八十一
三
總兵楊信協謀征勦河套。

三年正月毛里孩乞通貢制曰無約而請和者謀也。其令各邊謹備虜。毛里孩不得貢。渡河東侵大同。廷議楊信兵少。不足制虜。於是以撫寧侯朱永爲平胡將軍。率京兵往。都督劉聚鮑政副之。會毛里孩再上書求貢。許之。

二月毛里孩入大同界。

上命原調大同宣府偏頭關等處搜剿河套官軍仍留名城守禦。

四年二月。仇加思蘭殺阿羅出併其衆而結元孽。

滿魯都入河套。

六年虜據河套。邊人大擾。乃勅都御史王越總關中軍務。議搜河套。復東勝。越等奏言河套水艸甘肥。易於駐劄。腹裡之地。道路曠遠。難於守禦。陝西虜酋孛羅忽。仇加思蘭等糾率醜類。居套分掠。出入數年。雖嘗阻於我師。然未經挫衄。終不肯退。近日據我河曲。擾我延綏寧夏。深入我平鞏固原。近又覘我大同。逼我萬全。聞在廷咸議欲得一爵位。崇重威望。素著者。統制諸軍。往圖大舉。

朝廷從其議。以武定侯趙輔克總兵官。總制各路軍。

馬搜河未幾以疾還搜套亦不復舉

七年二月朱永等以河套虜寇未退議戰守二策事下兵部白圭等以馬方瘦損供餉不敷勢難進勦請命諸將慎爲守禦以圖萬命

上從之

命吏部右侍郎葉盛行視河套時北虜入河套議增兵設險或請大舉搜套驅虜出河外沿河築城堡抵東勝徙民耕守其中盛往上言搜河套復東勝未可輕議惟增兵守險可爲遠圖

上從之

九年九月滿魯都與孛羅忽竝寇韋州總督王越偵知虜盡行老弱巢紅鹽池可取也乃與總兵許寧遊擊周玉率輕騎晝夜馳三百餘里襲擊之擒斬三百餘級獲雜畜器械甚衆盡燒其廬帳而還虜自據套以來無歲不深入殺掠人畜至數千百萬邊將擁兵莫誰何徼所遣老弱及殺吾民以上功冒陞賞三遣大將朱永趙輔劉聚出師大抵效邊將故習虜益橫內地且自危用事者始議搜套聚兵八萬糜資儲無算頻歲師不出至是捷虜內失其孳相與悲泣渡河北去患少弭

弘治八年。北虜擁衆入河套住牧。

十三年十二月。火篩入河套。

按套賊渡河而東。焦家坪。娘娘灘。羊圈子等處爲衝。其要在偏頭關。三受降城。唐所築禦虜於河外。中城南直朔方。西城南直靈武。東城南直榆林。三壘相距各四百餘里。花馬池極要地。成化前虜患在河西。虜據套而河東爲虜衝。花馬池居其中。都御史徐廷璋。楊一清。王瓊。新舊城效力甚宜。花馬池西至興武營一百二十里。又西至橫城堡一百四十里。一漫沙漠。寇路拆牆頗易。入靈韋。掠環慶。

犯平固。則清水管鐵柱泉小鹽池一帶爲捷徑。又自大廣武渡河而下。至靈韋亦易。

正德元年。總制邊務楊一清。請復守東勝。據河套水艸之利。弘治末。朝廷清明。內外大臣協心體國。爲經久計。以故議復河套會。

孝宗崩。劉瑾專政。一清上經略三疏。一議守守虜所必入。一議戰戰虜所必敗。一議攻攻虜所必救。已一清得罪去。無敢言及河套者。

嘉靖元年六月。套虜二萬。自井兒堡撒墻入固原。平涼涇州。殺指揮楊洪千戶劉端。十二月寇固原。

環衛間殺傷以萬計。有司不能禦。以文移避法。部請遣科道閱核。

十七年十一月巡按山西御史何贊疏言河套爲虜酋吉囊所據。外連西方海賊。內通大同逆卒。宜亟剿除。其策有二。計以破之。勢以走之。而其要在久任撫臣以責成效。興復屯法以裕邊儲。兵部因請令本鎮守臣勘議。上以事無可勘報罷。

二十四年閏正月巡按山西御史陳豪疏言北虜三犯山西。殺掠百萬。此不可以常寇目計費帑金六百萬。而戰守無尺寸功。諸臣建議動稱屯守。不知虜衆內侵。不繇諸隘口。皆猿攀絕壁。蟻附懸崖。邊垣又何足恃。况諸鎮烽卒皆媒虜。自爲多囊鉞刀。遇虜偵者賂求不殺。彼此譯語。互爲和同。待虜深入。然後舉燧發礮。降城轉走。蓋不止一日一處爲爾。且邇來之虜。類多我民亡命。爲彼嚮導。故連歲非時倏至。冒險深入。如履故途。乞下廷臣集議萬全之策。期於必戰。盡復套地。庶可弭其內擾之患。而邊境無虞。章下兵部議行。

二十五年八月套虜三萬餘人入寇。越延安府至

于三原涇陽殺掠人畜無算事聞

上下旨曰今年失事頗輕不必查核總督三邊侍郎會銑請復河套條爲八議一曰定廟謨二曰立綱紀三曰審機宜四曰選將材五曰任賢能六曰足芻餉七曰明賞罰八曰修長技計萬餘言指據明悉下兵部議行

十二月總督曾銑巡撫謝鏞張問行等奏延綏密與套虜爲鄰自定邊營至黃甫川一帶連年虜入率繇是道所當亟爲修繕分地定工次第修舉起自定邊營東至龍州堡計長四百四十餘里爲

中段自雙山堡而東至黃甫川計長五百九十餘里爲下段歲修一段期以三年竣事乞發帑銀如宣大山西故事疏下部議間銑復言套虜不除中國之禍未可量也今日之計宜用練兵六萬人益以山東鎗手二千多備矢石每當春夏之交攜五十日之餉水陸竝進乘其無備直搗巢穴材官騶發礮火雷擊則虜不能支矣歲歲爲之每出益勵虜勢必蹙將遜而出套之恐後矣俟其遠去然後因

祖宗之故疆并河爲塞脩築墩墉建置衛所處分戍

卒。講求屯政。以省全陝之轉輸。壯中國之形勢。此中興之大烈也。臣願

陛下斷自聖心。亟定大計。夫臣方議築邊。又議復套。虜益築邊。不過數十年計耳。復套則驅斥克殘。臨河作陣。乃國家萬年久遠之計。惟

陛下裁之。疏下兵部。并議謂築邊復套。兩俱不易。二者相較。復套尤難。夫欲率數萬之衆。費五十日之糧。深入險遠。艱阻之穴。以驅數十年盤據之虜。談何可易。故不若修牆築邊。爲計完而成功可期也。第延綏一帶。地勢延漫。土雜沙礫。居民隔遠。最爲

荒涼。若欲一千五百餘里之地。而責成于三年之功。恐未易集。縱使能成。亦難爲守。宜仍行銑等從長會計。

上曰。虜據河套。爲中國患久矣。連歲關陝橫被荼毒。朕宵旰念之。而邊臣無分主憂者。今銑能倡逐虜復套之謀。厥志甚壯。本兵乃久之始覆。迄無定見。何也。其令銑更與諸邊臣悉心圖議。務求長算。嗣上方略。第此邊境千里沙漠。與宣大地異。祇可就要害修築。兵部其發銀三十萬兩予銑。聽其修邊。餉兵造器便宜調度支用。備明年防禦計。

二十六年五月總督曾銑初春中督兵出塞掩擊虜未得利至是復出塞襲擊虜覺整衆拒之銑蒐選銳卒督之出戰馘斬二十六人生擒一人脫腕虎斃于矢石者甚衆獲牛馬駝橐九百有五十夷器八百五十三虜移帳漸北間以輕騎入掠銑復督諸軍驅之遂遠遁不敢近塞銑以捷聞因列上諸臣功罪。

上曰套虜連年深入如踏虛地大損國威銑能率兵出塞擒斬有功乃詔增俸一級賜以白金四十兩紵幣三襲巡撫謝蘭李士羽巡按盛唐及守備諸臣各賞賚有差。

十一月總督曾銑會同陝西巡撫謝蘭延綏巡撫楊守謙寧夏巡撫王邦瑞及三鎮總兵官參酌復套方略條列十八事曰恢復河套修築邊牆選擇將材選練士卒買補馬羸進兵機宜轉運糧餉申明賞罰兼備舟車多置火器招降用間審度時勢防守河套營田儲蓄及明職守息訛言寬文法處孽畜又上營陣八圖曰立營總圖及遇虜駐戰選鋒車戰騎兵迎戰步兵搏戰行營進攻變營長驅獲功收兵各圖

上覽而嘉之。奏下兵部尚書王以旂會廷臣集議言曾銑先後章疏俱可施行。

上曰。虜據河套。爲國家患。朕軫宵旰有年。念無任事之臣。今銑前後所上方略。卿等旣以詳酌。即會同多官。協忠抒謀。以圖廓清。其定策以聞。

巡撫延綏都御史楊守謙奏報套內先有狼台吉。媯台吉。都刺台吉。駐牧。今聞虜酋俺荅等踏冰渡河。與套虜聚謀。將寇延寧。聲勢甚重。不可不嚴加防禦。大學士嚴嵩擬旨罪曾銑。

上曰。虜寇聚謀深入。此曾銑擅開邊釁所致。其亟行。總督王以旂謹備之。銑欺君誤國。都察院叅勘以聞。勿得黨護庇覆。於是兵部侍郎萬鎮等叅曾銑。因上貪功。擅開邊釁之罪。會甘肅總兵咸寧侯仇鸞亦先被銑等劾奏。逮繫來京。見銑被逮。乃上疏自訟。因訐銑往年虜寇延慶殺人盈野。銑隱匿不以實聞。收諸將金錢萬計。遣子曾淳賫付蘇綱關通貴近。圖免于罪。又擅將所部士馬出定邊塞。襲擊虜幄。希望功賞。而分部失律。全軍覆沒。隱匿不以上聞。又尅取軍糧數萬。自知罪重。乃倡議復套。希冀非常之功。以掩蒙蔽之罪。不忠甚大。甘肅巡


撫楊博初亦謂銑啓釁招尤其計非是乃又通銑以沮撓論臣臣久歷邊陲深知套地不可遽復豈可阿意曲從而博以臣言白銑謂不去臣終爲掣肘故銑復遣淳行五千金陷臣今全陝之人爲科徵調集所苦磬磬欲窳臣恐意外之變不在河套而在邊圉之內也時皆謂是疏嵩所授草尋降旨逮繫曾淳蘇綱後竟釋鸞罪不問

琉球

琉球國居海島中直福建泉州之東自長樂梅花所開洋風利可七晝夜至距福寧溫台亦頗近狀貢道必由閩縣以達京師漢唐宋不通中國隋大業三年煬帝令羽騎尉朱寬入海訪異俗遂抵流求語不通掠一人歸明年慰撫不從遣武賁郎將陳稜等率兵自義安浮海擊之至高華嶼又東行二日至龜鼈嶼又一日至其都虜男女數千人而還其後遂絕元世祖遣使招諭不至元貞三年福建省平章高興檄別將禽百三十餘人史稱瑠

球與彭湖諸島相對。天氣清明。望之隱約若烟霧。其遠不知幾千里。或云於古為流虬地界。萬濤蜿蜒若虬浮水中。因名。後轉謂之琉球。所轄有古米。太平馬齒七島。諸山金隔海外不相屬。國朝洪武五年。遣行人楊載齋詔往諭其國分為三。金稱王。中山王察度。山南王承察度。山北王帕尼芝。皆遣使奉表箋貢馬及方物。十五年。賜中山王山南王鍍金銀印文綺。使還言三王爭雄長。詔令罷兵息民。十六年。賜山北王如前例。二十一年。以所獲元主太子地保奴發居琉球。二十五年。中

山王遣子侄及其陪臣子弟入國學。上禮遇特厚。以其國往來朝貢。賜閩人善操舟者三十六姓。永樂二年。中山王察度卒。詔封世子武寧嗣王。是後嗣封。皆請於朝。冊立弔祭禮如朝鮮。其年山南王承察度亦卒。無子。從弟汪應祖攝國來請命。如山北王故事。賜冠帶。嗣王武寧卒。子思紹嗣。九年。遣使朝貢。偕長史程復至。表言長史王茂輔導久。乞陞國相兼長史。復本中國饒州人。輔臣祖察度四十餘年不懈。今年八十有一。請致仕還其鄉。從之。思紹卒。子尚巴志嗣。巴志卒。尚



忠嗣。正統十年。琉球商船漂至廣東香山港。巡戍欲盡戮冒功。海道副使章格不可。爲辨奏還其貲。十三年尚思達嗣父忠立。遣使朝貢。亡何思達卒。叔尚金福嗣。金福卒。弟布里與子志魯爭立。失其印。次弟尚泰久馳奏。命給泰久印嗣王。時景泰五年也。先是山南王汪應祖爲其兄達勃期所弑。尋與山北併於中山。其王世稱尚氏。天順七年。尚德嗣父泰久立卒。成化七年。子尚圓嗣。十一年。貢使還至閩。恣殺掠。詔著令。閩歲一貢。貢無過百五十人。十五年。尚真嗣父圓立。二十二年。中山王尚真以官生蔡賓等五人。肄業南雍。經五年。咨禮部乞放回省覲以聞。

上報可。嘉靖二年。福州府盤獲琉球夷人三十二名。譯稱往暹羅置貢儀。抵漳州外洋遭風。會倭使宋素卿等於寧紹讐殺。

上恐墮奸計。命併發浙江查勘。三年琉球貢使金良等言本國先遣正議大夫鄭繩等貢方物。渡海風漂未至。請先進表歸國。

上報聞許之。以倭使宗設等通誅鄭繩。還令齋。救轉諭日本捕治。五年。尚真卒。王世子尚清上表請

封。九年再申前請。十一年。敕給事中陳侃行人高澄祀真太牢封清嗣王。侃等言弘治正德時。修撰羅倫等使安南。安南乞留。詔敕鎮國卽琉球請留。如安南海外遠。恐煩往復。乞下禮官議。如安南前格。侃等至國授封。王拜曰。天朝詔敕。藏金匱八葉於茲矣。遂諭旨。比還。特遣王親寧吉長史蔡瀚奉表謝侃等。上使琉球錄言。大明一統志載琉球有落滌王居壁下。聚鬪髀事。非實。及杜氏通典集事。淵海羸蟲錄。星槎勝覽諸書。亦多傳訛。乞下所錄史館從之。先是其國贈侃等黃金四十兩。却不受。因附謝使奏。

上以命侃等。十九年長史梁梓來朝貢方物。請補造海船四號。續貢聽如式。自備無違例。二十一年。漳州人陳貴等通番下海。至琉球。與潮陽海船爭利相攻。長史蔡廷美沒其貲。以夜奔多掩殺。其王尚清械繫貴等七人。至福建。誣爲寇。御史譯審列奏。上允部覆。治以通番律。仍聽咨諭國王。無輕與中國商民互市。明年尚清移禮部。以官生梁炫等四人學南雍。踰七年。乞遣歸婚娶。詔給資糧護歸。二十四年。遣使來貢。兼送朝鮮漂流人口。初閩人蔡

璟撥賜琉球。而原籍在閩。二十六年。其孫蔡廷會充貢使至。與給事中黃宗槩親舊。通饋謁事。覺下詔獄。

上念貢使。姑革賞行勘。三十四年。尚清卒。明年倭寇浙直敗還。入琉球境。世子尚元發兵邀擊殲焉。得所掠金坤等六人。遣廷會修貢。賚送。因言貢使須乘夏令南風。迅始得歸。請如三十四年例。聽於福建海口。自行修買歸舟。

上嘉其忠許之。賜敕。獎諭。厚賚金幣。三十七年。遣給事中郭汝霖。行人李際春。持節冊封尚元爲王。越再歲。還福州。其國遣廷會謝。以倭警請。如正德中封占城例。詔冊回國。禮部以非故事。且無世子印文。不許。四十一年。始竣封。明年。遣陪臣鄭憲等入貢。因送歸中國。漂流人口。且請歸本國流移。

上頒檄。瀕海諸路。萬曆元年。尚元卒。四年。世子尚永嗣。及永卒。三十一年。封尚寧嗣王。如令甲。三十七年。薩摩州倭侵琉球。虜其王。四十年。遣使復修貢。報中山王業反國。海道叅政石崑玉等驗貢物雜。倭產。請阻回。俟勢定。

上從部議。令貢使無入朝。量收方物給賞。四十四年五月。中山王尚寧遣通事蔡廩報倭造戰艦五百餘。脅取雞籠山島野夷雞籠淡水洋一名東番云。考風土以海氣蒸溽。候煖。鮮霜雪。多颶風暴雨。國人深目長鼻。纖嗇好潔。並用色布纏首。紫最貴。黃次之。又次紅綠。王兼五色。簪以金銀差等。廣袖寬博。間左並縞素無木綿。貧者隆冬衣苧。較閩加密。屋多茅蓋。項漸習陶。鋪板祛塵。無貴賤著草屨。入室則脫。唯肅謁使客具冠履。婦人以墨黥手。外指爲花卉鳥獸狀。髻肖童子總角。不施簪珥粉黛。女


工麻縷。地不產錢。爨用螺殼。亦無農器。削木爲匙筯。得異味先薦尊者。居親喪數月不肉食。以中元前後日浴尸溪水。去腐取骨。纏以帛裏草埋土中不起墳。王及諸臣家匣骨山穴。鑿木爲牖。歲時展視。惟謹賦法。畧倣井田。分土爲祿食。有事始均稅。事已卽罷刑。甚峻。犯盜竊剗腹。劓。荆。職官尊者三法司。卽國相。率王母舅妻父任之。其次有察度官司刑名。有耳目官資顧問。有哪囉官理錢穀。皆武職大夫。長史主封貢。不與政事爲文職。洪永所賜三十六姓。多閩之河口人。子孫秀者讀書南雍。歸

皇明世宗 卷八
卽爲通事。累陞長史大夫。今僅存七姓。凡七姓男不爲國婿。女不爲王妃。言語衣服無別。別以椎髻。居中者七。姓居右者本夷也。王日三朝。羣臣以搓手膜拜爲敬。俗稱王曰敖那。妃曰札喇。王官建山巔國門榜以歡會。府云漏刻。殿云奉神。永樂間嘗命使爲蓋宮殿頗闕敞。然以板代瓦。冊封錫以皮弁玉圭麟袍犀帶眊二品秩。及妃皆有冠服綵幣。初用中使。宣德間改用給事中行人。給事賜衣麒麟。行人賜衣白澤。並假玉帶。從福建往治五桅巨艦。長可十七丈。桅用杉。舵用鍊梨木。其國屆期遣

看針。通事一人并水手來與偕密室看針。卽白晝燃燈。亦名十更船。往以西南。風期孟夏。歸以東北。風期季秋。望見古米山卽其境。東去三百里爲葉壁山。又東卽日本。恒與貿易。假貸近國。哪霸首里並有馬市。販鬻率女僮。市用日本錢十當一。如宋季鵝眼。綆環。國初使來言。其俗不貴統綺。貴磁器。鍊釜。賜予及市馬多用之。鹽舶魚艇制稍異。酷信鬼。不知醫藥。以婦人不二夫者爲尸。其魁號女君。近王宮有寺藏經千卷。它籍無五經有四書。以杜律虞註爲經。土田砂礫。樹藝鹵莽。野多鹿及馬。

牛羊豕。山多蛇無虎。樹之佳者鳳尾蕉。貢有蘇木胡椒黃熟降檀諸香。並非所產。產饒硫黃海貝。燕會令童歌夷曲舞以侑觴。酒以水漬米。越宿婦人嚼以取汁。曰米奇。間來自暹羅。清冽易令人醉。武宗嘗賜玉杯。每出為壽學書及武。以倭為師。甲用皮革。矢可至二百步。節以金鼓。衆驍健耐饑寒勞苦。好爭狠鬪。度不免。即引刃自斃於海上。故稱勅國。然不當倭十一國別號大琉球。西南則暹羅。東北則日本。從長樂。廣石出海。隱隱一小山浮空。即所謂小琉球者也。去閩省東鄙臺礮東湧水程特

數更南為東番諸山。在澎湖東北。其人盛聚落而無君長。習鏢弩少舟楫。自昔不通朝貢。又東隅有夷。鳥語鬼形。殆非人類。或云即毘舍那國。論曰琉球創見隋書為流求序其國俗稍異。王姓歡斯氏。國人呼之為可老羊。妻曰多拔茶。所居曰波羅檀洞。羽冠毛衣。編苧為甲。王乘木獸。候草榮枯以為年歲。壁下多聚髑髏質。以今日風教固殊焉。元史作璠求云。水至澎湖漸低近璠求則謂之落漈。漈者水趨下不回。漁舟遇颶風漂落漈回者百一。自陳侃特標其妄。或曰國西古米山有礁甚



險。舟至輒敗。卽落滌也。琉球及明始通上國。請封入貢。與朝鮮埒。漸以華風。宜其丕變。輒按前後使錄。爲更定之。頗聞其國厯海外一岡脊。無大聚落。往使至。斂儲侍。民間甚苦。以嚮慕文教。矢殫其力。然猶貸隣倭。而後給。嘉靖中。卽有領封會城之議。情已微露矣。守在四夷。當事得無深慮乎。

卷終

皇明世法錄卷之八十一

史官 陳仁錫 輯次

東夷

朝鮮

朝鮮直遼東南。古箕子國。初箕子胥餘。旣陳洪範。避地朝鮮。商衆從者五千人。武王因封焉。乃教民禮義。田蠶。俗貞潔。其號朝鮮。以日東出鮮潤故名。周衰地邊燕。燕自立爲王。欲東畧地。朝鮮侯亦稱王。將起兵逆擊燕。尊周室。大夫禮諫。使西說燕。罷其兵。後子孫稍驕。燕遣將秦開。西闢地二千餘里。

築鄣塞。朝鮮寢微。秦并天下。築長城。抵遼東。朝鮮王否服。屬外徼。否死。子準立。會陳項起。燕齊趙民多亡附。是時去始封已四十餘世矣。漢興。修遼東故塞。界沮水。屬燕王盧綰。綰反。走匈奴。燕人衛滿聚黨千餘。推結胡服。度沮水。說準居西鄙扞邊。準拜爲博士。遂得秦故空地。益誘燕齊亡命役屬。詐稱漢兵。至還攻準。準亡入韓。滿遂自王朝鮮。都王險。孝惠時。滿約爲外臣。保塞。益威行旁小國。兼有濊北。與高句驪沃沮地。几數千里。傳子及孫。右渠漢使涉河。誘諭不奉詔。已又襲殺何武帝。遣樓船將軍楊僕。勒兵五萬。從齊浮海。左將軍荀彘出遼東。擊之。城守不下。乃使濟南太守公孫遂。以便宜并軍急擊。其相殺右渠降。因分置樂浪臨屯玄菟真番四郡。時元封三年也。昭帝省爲樂浪玄菟二郡。而玄菟徙居高句驪西北。其沃沮濊貊竝屬樂浪。以斥遠。分置樂浪東部都尉。漢末。公孫度起玄菟。越海收東萊諸縣。自侯遼東。傳孫淵。封樂浪公。淵又自立爲燕王。魏滅之。晉永嘉亂。陷入高句驪。高句麗本扶餘別種。世以高爲氏。至高璉。併有朝鮮。居平壤。死年百餘歲。平壤亦曰長安。城南臨沮。

將軍楊僕勒兵五萬從齊浮海左將軍荀彘出遼東擊之城守不下乃使濟南太守公孫遂以便宜并軍急擊其相殺右渠降因分置樂浪臨屯玄菟真番四郡時元封三年也昭帝省爲樂浪玄菟二郡而玄菟徙居高句驪西北其沃沮濊貊竝屬樂浪以斥遠分置樂浪東部都尉漢末公孫度起玄菟越海收東萊諸縣自侯遼東傳孫淵封樂浪公淵又自立爲燕王魏滅之晉永嘉亂陷入高句驪高句麗本扶餘別種世以高爲氏至高璉併有朝鮮居平壤死年百餘歲平壤亦曰長安城南臨沮

水。卽樂浪郡地。外復有國。內城漢城爲別都。號三都云。自璉後稱高麗。貢獻無常。隋封其六世孫湯爲高麗王。煬帝渡遼水親征。至再不克。振旅而還。唐武德初。其王建武遣使入朝。命道士以像法往。爲講老子。建武築長城千里。東北首扶餘。西南屬海。尋爲蓋蘇文所弑。旁擾新羅。太宗詔北輸粟營州。以總管張亮帥募兵四萬。吳艘五百。泛海趨平壤。李勣帥騎士六萬趨遼。身誓師。東拔遼蓋二州。歸高宗。已平百濟。會蓋蘇文死。子男生與弟修郤。遂以李勣節度轉燕趙。食廩遼東。乾封三年。勣率

別將薛仁貴等拔扶餘城。大破之。王藏請降。剖其地爲州縣。置安東都護府。總章中。徙高麗民三萬於江淮。餘衆反奔新羅。及突厥靺鞨。儀鳳二年。封藏朝鮮郡王。畱安東死。子德武爲都督。後稍自國。元和末。遣使獻樂工。其國東徙鴨綠。江東南千餘里。歷後唐同光中。高氏屢奉職貢。長興三年。權知國事王建代立。明宗乃拜建玄菟州都督。高麗國王王建益并新羅百濟地。自廣東徙松岳。以平壤爲西京。子孫終五代。修貢不絕。周世宗嘗以帛數千匹。市銅高麗以鑄錢。宋太宗卽位。其王佺遣國人

皇明世宗 卷八十一
三
金行成就學擢進士。是後詣監肄業以爲常。會契丹伐女真。道高麗界。女真意高麗構禍。因貢馬愬於朝。太宗出所上告急木契示高麗。使歸白王治還所俘。而王治方奉表契丹。得所取女真國鴨綠江東地數百里。淳化後遂爲脅制。朝貢中絕。咸平六年。遣使來朝。言晉割燕薊屬契丹。遂有路趣玄菟。乞王師屯境上。牽綴契丹索前地。其王詢徙昇羅州以紓禍。太中祥符三年。與女直設奇遮擊契丹。築城鴨綠江東。自是絕不通中國。垂四十三年。熙寧初。詢孫徽來修好。神宗亦欲結之以謀契丹。

改登萊貢道。繇明州。元豐元年。造兩艦報聘。自定海絕洋而東。而徽奉契丹正朔。往往兩屬通使。元祐八年。高麗獻黃帝鍼經。詔頒天下。其使請鬻歷代史及冊府元龜等書。禮部尚書蘇軾疏却之。有旨書籍經買者聽。宣和中外。求二醫往。歸日。王楷語曰。聞朝廷將用兵遼。遼兄弟國。存之足爲邊扞。女直虎狼。不可交也。願二醫歸報天子。早爲備。及回。奏無及矣。先是遼侵高麗。置保州。金已克黃龍府。高麗請還舊疆。不許。及遼亡。王楷稱藩如遼例。而宋自高麗改貢道。明越困於供給。兼慮爲金間。罷

三朝世宗 卷八十一
一切使命。紹興三年。楷修貢仍溫。詔答焉。當是時。其國都開城府依山險。名曰神蒿。卽松岳也。東京新羅爲東州樂浪府。南京百濟爲金州金馬郡。西京平壤爲鎮州。而西京最盛。元興契丹衆九萬餘。竄據江東城。元遣偏師會高麗滅之。歲輸貢。後絕信使。太宗命撤禮塔往征。抵王京。其王噉奉牛酒勞師。尋叛竄海島。憲宗末。遣世子僖入朝。噉卒歸國。更名植。世祖徵植。修世見禮。朝上都。至元初。立瀋州處高麗降民。遣使通好。日本諭旨爲鄉導。期得要領。併相視耽羅道路。植爲其臣林衍所廢。立

弟溍。議征之。無何。植復位來朝。詔西京內屬。改東寧府。畫慈悲嶺爲界。以安撫使佩虎符。戍其西境。中書省請屯田金州。安撫使阿海畧地平珍島。植致書日本使通好。經畧使忻都入海。拔耽羅城。詔高麗僉軍助征日本。以皇女嫁世子懋。襲父爵。改鑄駙馬高麗王印。賜之。懋子諤。諤子燾。嗣王。燾傳弟嵩。以訖元。國朝洪武元年。遣符寶郎僕斯。賜高麗王顯璽書。二年。顯表賀貢方物。詔齎金印。封爲高麗國王。頒大統曆。復諭王固圉。蒐乘。謹備倭。無崇信釋氏。賜六經四書通鑑漢書。使者

皇明世法錄 卷八十一 五
言王顥有侄女。遭亂沒軍中。

上令中使訪歸本國。仍厚衣餼。三年遣使代祀其國。山川會定取士格。詔許高麗安南等國貢赴京師會試。以沙漠平往諭。四年。賜高麗貢士金濤第。以不通華言。給道里費回籍。中書省奏禁使者闌出貨物不許。五年。安置歸德侯陳禮。歸義侯明昇於高麗。王顥請遣子弟入太學。表言耽羅國多畱蒙古人。及蘭秀山逋寇宜詰治。詔耽羅已屬無滋疑忌。逋寇可傳檄定。其罷兵。以貢馬不誠。卻其使。七年。諭中書省高麗頻涉險來貢。宜令三年

或比年一聘。八年王顥被弒。以養子禍嗣貢愆期。敕遼東守臣勿與通。十年請顥謚號。

上曰。顥弒久。今始請謚。將假朝命鎮服其民。且掩逆跡。其勿與降。敕切責。遣都督僉事濮真往訊死之。十二年。高麗屬夷龍州土官鄭白等內附。守將潘敬葉旺以聞。敕無受降。開釁。十六年。陪臣張伯崔泊來貢。以頃歲不庭。渝約。卻不受。命禮部咨諭之。十八年。許禍嗣王。賜故王顥謚恭愍。貢布萬疋。馬千匹。謝。明年請易冠服。不許。二十年。指揮僉事高家奴等市馬高麗。還言禍辭馬直。諭鎮守

皇明世宗金 卷八十一
延安侯唐勝宗償直如敕。初遼瀋民多避亂高麗。及往市馬。故元降將咬住等言。

上索之。至是高麗送馬。竝流民二百八十餘來歸。二十一年降人言王禍欲寇遼東。其將李成桂還兵。囚禍。敕嚴備往偵狀。是歲廢禍立昌。昌復廢立。瑤權國事。蓋恭愍王顛無嗣。爲嬖臣洪倫等所弑。國相李仁人誅倫。迎立養子禍。禍昏恣興師內寇。以李成桂爲副將。至鴨綠反兵。禍惶懼。遜子昌國。人弗順。恭愍妃安氏擇立王氏孫定昌君瑤。二十四年瑤遣子奭朝。明年正旦。詔班尚書下。奭未

歸。而李成桂復廢瑤。自立其國都。評議司奏瑤信。讒妄殺。子奭亦痴騃。非門下侍郎李成桂。莫可主國。

上曰。高麗僻處東夷。聽自爲聲教。成桂遂更名且。徙居漢城。請更國號。詔仍稱朝鮮王氏。自建開國。歷四百三十餘年而絕。李成桂者全州人。自言遠祖翰。任新羅爲司空。六世孫兢。休入高麗。至成桂。凡十七世。竟代王有國。

上以遠夷置不問。心固弗善也。且遣使請朝鮮印。及封誥表不孫。下吏索撰表人鄭總。安置雲南。二十

六年遼東奏朝鮮陰誘女直人五百潛度鴨綠江將寇邊下敕切責諭守臣謹備絕貢使二十九年請印誥不許且老聽以子芳遠襲卒謚康獻未樂元年芳遠表言洪武中賜金印龜紐項經建文更制乞如舊頒給詔予印誥及冕服九章春秋會通等書二年

上欲屯田遼東徵牛朝鮮芳遠以萬頭獻敕遼東都司分給屯田每頭酬絹一疋布四疋賜其王文綺表裏六年世子提來貢七年諭進馬供用芳遠獻萬匹助征虜十六年請老子子禔嗣時遷都北


京距朝鮮爲近二十一年征阿魯台駐蹕沙城禔遣陪臣崔雲奏事令還京胥命宣德元年芳遠卒謚恭定賜嗣王禔五經四書性理大全通鑑綱目因謂禮部尚書胡濙聞禔勤學故賜之令小國民蒙惠亦朕所樂也二年敕進馬五千匹四年禔獻海東青詔珍異非朕所貴其勿進使還賜王磁器敕貢獻唯土物無以金玉七年遼東都司言諸屯缺耕牛諭朝鮮選給萬頭償以絹布五萬疋如前例時毛憐建州夷詐爲忽刺溫野人犯朝鮮境朝鮮以兵攻建州遣使敕諭八年總兵官巫

皇明世法錄 卷八十一
凱奏朝鮮擅兵。

上曰遠夷爭競。但謹邊備而已。禡欲遣子弟入就學。不許。仍賜書俾學國中。九年。聞黑龍江七姓野人議侵朝鮮。敕禡嚴爲禦。正統二年。建州左衛都督猛可帖木兒爲七姓野人所殺。其子童倉與叔凡察逋居朝鮮界。尋得罪亡歸。四年。建州都指揮李滿住等言朝鮮招叛。朝鮮亦言凡察誘侄童倉逃匿。慮與李滿住同謀生釁。諭仍還境城。凡察等言禡阻畱部落六年。禡復愬凡察舊居境城阿木河。此離失所。撫恤備至。近徙東陞。忽潛依李滿住。誰爲追阻。滿住居婆猪江。屢引忽刺溫掠臣邊。今凡察與同惡。背恩已甚。

上敕禡。國家倚王爲東藩。如凡察滿住。異類畜之。無與較。七年。以建州朝鮮構怨。命錦衣衛指揮吳良等齎敕諭朝鮮。集境城人口質審去留。戒凡察無妄索。會反刺密令女直諸部誘脅朝鮮。禡拒之。白其事。

上敕獎禡忠誠。賜綵幣。并諭禡東寧等衛諸逋逃。無問漢人女直。竝擒解。無貽累爾國。十年。倭犯朝鮮。來獻俘。時虜寇邊。詔朝鮮備馬三萬。景泰元



年貢馬五百。奏比歲馬耗損。未能猝辦。止勿復貢。徇卒子珣嗣。遼東報虜掠開原瀋陽。及圍撫順。女直李滿住凡察董山等。爲迫脅入寇。敕珣飭邊防。勦三年珣卒。謚恭順。子弘暉嗣。五年。賜弘暉朱史。從其請也。弘暉釋而虜。七年。遜其叔珠。遣內臣冊珠爲王。天順三年。登州衛運遼軍。有花舟漂至朝鮮。撈得十之七。珠給衣糧送歸朝。賜敕獎諭。是歲。珠納建州酋董山私授中樞密使。謀得其制書。遣科臣往。珠飾詞出制書示之。驚服。貢馬謝罪。四年。朝鮮誘殺毛憐衛都督郎卜兒哈。兩降敕

解讐。五年。建州衛野人乘夜掠義州。諭朝鮮無挑禍。成化三年。卻所進海東青白鵲。王師征建州。珠遣中樞府知事康純等。率兵萬餘。協攻。遂斬李滿住。及擒勦部落以俘獻。璽書褒異。加賜金綺。珠尋卒。賜謚惠莊。子昞嗣。始冊封。率遣內臣。時遼左薦饑。御史侯英疏稱。中使繹騷。朝鮮號秉禮國。乞簡廷臣往。

上是之。著爲令。六年。昞卒。謚襄悼。以子幼。立兄子斐嗣。王七年。斐奏李滿住子索而哈。聚衆修怨。乞邊臣應援。十一年。復奏建州野人糾毛憐等衛夷侵

擾時禁外國五市銅錢弓角等物。十三年。婁奏小邦北連野人。南隣島倭。

高皇帝嘗賜火藥火砲。今乞弛禁市弓角。令歲市五十無過多。十四年。朝鮮貢使還。被寇掠。官較捕獲。都御史王越請梟示彰國法。仍還原劫以慰遠人。十五年。建州酋伏當加等復盜邊。詔朝鮮夾擊。婁遣右議政尹弼商等渡江。擣巢多擒斬。明年春來獻捷。賜宴禮部。亡何。建州掠朝鮮。從騎以報擣巢之役。弘治初。歲貢獻如例。七年。婁卒。謚康靖。八年。封子愷為王。十二年。愷請搜還下海民戶。遼

東守臣亦奏軍民逃聚海島。得及時解散。從之。愷病風。令弟懌權署國事。正德二年。懌嗣王。十三年。修貢。請更會典所載宗系。嘉靖改元。遣修撰唐臬宣諭以親藩入繼大統意。始

毅皇帝時。懌請冊世子。中使金義陳浩夤緣內降。往賜懌等金幣。括取異物。及童男女。至是以禮官言報罷。十五年。以皇子生頒詔朝鮮。先是。皇嗣冊封始遣使外夷。

上特令詔諭因著令甲。明年修撰龔用卿等使朝鮮。還請凡事關禮制。一體諭知。卽令陪臣賫示報可。

皇明世宗 卷八十一
十八年表賀上廟號尊謚及

睿宗祔廟明堂禮成。御奉天門延見使者。二十三年。朝鮮民洪贊等航海。漂入通州海門界。傳詣京師。給衣糧護歸。明年。漳州民李王乞等通番。漂朝鮮。送遼東都司。權國事世子皓以王懌計來告。皓嗣未踰年卒。立其弟岨。二十六年。岨獲福清通番人馮淑等并貨物。解遼東。谷稱閩人向無汎本國者。頃前後獲千人。皆市易日本。闌出火藥軍器。恐起兵端。

上令查勘海道。賜岨金幣旌忠順。三十一年。岨以國初所賜樂器敝壞。奏求律管。仍乞遣官赴京肄習。以遵朝制。三十六年。大內災。岨上表奉慰。三十八年。倭犯朝鮮。擊之盡殪。因賀冬至。奏聞并歸所掠。獎賜有差。明年。賀使至遼。直虜傷從官一。詔自今朝鮮貢使。並迎護出境。隆慶元年。表賀。

肅皇帝尊謚。部議尊謚。廟號。無稱賀禮。然不當以律遠夷。賜幣報聞。其冬。岨卒。謚恭憲。從子松嗣立。初。李成桂易姓。

高皇帝心惡其篡。而傳者復訛以爲仁人子。因著祖訓。稱李仁人及子成桂。凡先後殺王氏四子。以爲

皇明世宗金 卷八十一
永鑒其後嗣累表白世系非仁人後并言恭愍弒
繇嬖臣仁人誅倫立禍迨禍寇遼先臣成桂反兵
傳昌至瑤竟以國人擁戴請命代立未嘗身與弒
逆願得湧雪萬曆三年重修會典乃更定如今文
云二十年倭乘朝鮮弛備大縱兵巨酋行長清正
等分道陷豐德諸郡哈倉皇走義州願內屬
上采廷議遣兵部侍郎宋應昌等濟師復王京哈得
返國當是時朝鮮八道幾覆非

天子深念藩籬前後特簡重臣經畧朝鮮勢必不守
大抵朝鮮恭謹異它夷國家寵禮亦加等自洪
熙後歲遇元旦及萬壽千秋節皆遣使表賀貢
方物它慶慰謝恩無常期嘉靖十年始令外夷元
旦朝賀例改冬至大事必頒詔其國請封告哀率
遣近臣及行人冊封弔祭朝鮮使至例得瞻拜太
學禁網亦疎弘治中因女直貢夷讐殺槩譏出入
嘉靖十三年陪臣蘇洗讓請得出館游觀如舊禮
部尚書夏言覆許正使員役五日一次出館令通
事一人陪侍以示禮遇且寓防衛


上輒可其奏攷四履東西相距二千里南北四千里
其東西南並濱大海北隣女直南隣倭西北限鴨

皇明世宗金 卷八十一
綠江。江出靺鞨之白山。平壤在其東南。自昔憑以
爲險。分八道以統州郡。曰京畿。曰忠清。曰慶尚。曰
全羅。曰黃海。曰江原。曰平安。曰咸鏡。設官舉士。畧
倣中國。因田制俸。俗柔讓。以蹲踞爲恭。崇釋尚鬼
惡殺。多所諱忌。士人喜讀書。工詩文。衢路悉構嚴
室。號扁堂。未婚者曹處誦經習射。歲以季秋。奠高
年。吉凶悉稟家禮。釀用秬。廣袖。戴折風巾。茅居。苧
衣。色尚白。法無苛條。其敗常犯昧。及再嫁。書名三
司子孫不齒。人首無枕骨。背扁側。境內山川。九都
神。嵩北嶽。海鴨綠江爲大。又有江曰大定。曰大同。

而漢江最勝。自鴨綠東流入於海。歷數千里。至漢
城。滙爲巨浸。南卽古百濟。又東爲古新羅。近唐熊
津都督府。土產金。銀。銅。鐵。水晶鹽。紬。苧布。摺扇。龍
文。簾席。白唾紙。狼尾筆。紫花硯。果下馬。長尾雞。貂
豹。海豹皮。八稍魚。杭黍。松。榛。蕙苳。茯苓。人參。其貢
道。渡鴨綠江。則自鴉鶻關趨遼陽。歷廣寧。前屯。入
山海關。以達京師。凡迂回三四鎮。戍成化中。苦
女直邀劫。請改繇遼陽南。徑趨寧前。職方郎劉大
夏以祖制有微意。持不可。議遂罷。

論曰。世推朝鮮。封始箕氏。及讀黃少詹洪憲輶

錄乃得所謂檀君。檀君者。其傳堯戊辰歲有神降太伯山檀木下。國人君之。至今奉祀不廢。檀君與箕子金都平壤。史稱衛滿都王險。王險亦平壤也。漢取爲樂浪郡。范曄東漢書敘東夷特詳。曰夫餘曰高句驪。曰東沃沮。曰濊。曰馬韓。辰韓。弁辰。其言濊及沃沮。句驪。本朝鮮地。而夫餘屬玄菟。韓有三種。馬韓最大。而朝鮮王準爲衛滿所破。將餘衆數千人入海。攻馬韓。自王。則諸國當通系朝鮮。其後併入高句麗。兼有新羅百濟。拓境亦侈大。已乃以隋唐師武臣力。頗抗前旌。號爲勁敵。頃歲海波稍警。翦焉幾覆。強隣虎眈。不遑固圉。何今昔強弱逕庭哉。或以向習華風。轉趨文弱。摩厲自強。無孤卵翼。亦有土自完之哲也。攷箕子封朝鮮傳四十一代。至準。凡九百二十八年。而失國。準入韓地。金馬郡自立。號韓王。又傳二百年。併於百濟。前後凡傳祚千一百二十餘年。三代受命。未有若斯之多。歷者。用夏變夷。於今爲烈。吁嗟盛矣。



西戎

論曰西域遠在天末。自可存而不論。而叩關來王。匪干戈是尋。而共球是飭。亦可覘

國家咸賓之盛矣。唯是賈胡借端漁利。所在繹騷。不無詭虛名。而受重困。而夷德無厭。如土魯番之吞噬哈密。乍盟乍寒。玩我股掌。寢假不可復問。所貴謹華夷之界。而縻以戎索。無使生心窺隙。治以不治。乃王者駕馭戎狄之畧也。

土魯番

土魯番。一曰土爾番。在火州西百里。漢車師前王

皇明世宗金 卷八十一
地。車師前王居交河城。以河水分流繞城。因名焉。唐置西州交河郡。且析以爲縣。有安樂城。方一二里。地曠衍。四面皆山。城西二十里。崖兒城。可二里。居民百餘家。相傳故交河縣治也。永樂十一年。遣吏部員外郎陳誠使西域。十三年。土魯番遣使隨誠入貢。授酋長都督都指揮等官。宣德五年。都督僉事尹吉兒察及指揮僉事猛哥帖木兒等率其孛來朝。請留京師。

賜居第。什器。歷正統天順。土魯番朝貢不絕。成化初。速檀阿力寔強。速檀華言王也。數引兵掠哈密。九年。遂入其城。虜王母及金印去。阿力歿。子阿黑麻嗣。阿黑麻歿。子滿速兒嗣。相繼擾哈密。及赤斤諸衛。是時夷酋所親信牙木蘭娶哈密人火辛哈。卽女。與寫亦虎仙妻爲女兄弟。陰相構結。正統八年。至誘忠順王拜牙卽走匿。而以火者他只丁入哈密居守。巡撫都御史趙鑑謬謂番夷信義可仗。犒以金繒。明年。土魯番遂索萬幣贖城印。躡肅州。嘉靖初。兵部尚書王瓊招撫稍戢。十一年。土魯番速檀滿速兒。天方國速檀札刺丁。撒馬兒罕速檀阿卜寫亦。哈密都督米兒馬黑木及額卽札哈辛等

各遣使入貢。共四千人。禮部言哈密貢期同朶顏三衛。

祖制三衛皆許入京。哈密則十人起送二人。今西域諸夷遠在萬里。素非屬國。而夷使過倍。番文二百餘通。皆以索牙木蘭爲辭。且求賞不貲。似借端窺伺。邊臣違例起送非法。至額卽卍哈辛。乃韃靼回夷。向未入貢。今亦遣五十餘人。疑並土魯番部落所託。請下督撫分別存留。以尊國體。

上可其奏。明年土魯番使虎力奶翁等以甘肅內臣縱僕橫恣。懇部

勅遣大理寺少卿蔡經同科臣錦衣各一員詣甘肅會督按官查勘。降罰有差。久之滿速兒歿。子沙速檀嗣。次子馬黑麻復據哈密。占種沙州二十四年。遣使求貢。并給地住牧。總督都御史張珩以聞。兵部議土魯番世濟兇惡。今馬黑麻結婚瓦刺。潛耕屬衛。意在踵轍內訌。以謀泄求欵。恐爲窺伺。甘涼之漸。宜諭以華夷界限。無妄乞。無盜種。無殘哈密。無苛貢夷。乃許通使。如其執迷。請卽閉關聲討。明年馬黑麻赴關納欵。而土魯番貢使火者阿力克等。凡八百七十四人。扣嘉峪關。巡撫都御史傅鳳

皇明世宗 卷八十一
翔總兵仇鸞居之甘州。先是土魯番撒馬兒罕哈
密諸夷每假進貢留京商販。延至三四年有
旨禁諸夷私出館貿易。勒期遣還。仍

詔土魯番五年一貢。貢使除量准赴京。半留肅州。半
留甘州。其後諸夷貢不如期。且併居稠襍。屬楊博
代鳳翔疏請

上裁命量准百名。存留甘肅。聽減半給賞。餘諭出關。
仍奪鳳翔等俸有差。嘉靖末。沙速檀潛掠北虜。中
流矢死。弟馬速嗣請貢許之。隆慶時。馬速歿。馬黑
麻嗣。其弟瑣非等並遣使來貢。禮部言一姓四使

非令甲所載。姑各附一使於馬黑麻使中。示羈縻
無拂遠人嚮順意。報可。始甘肅無北虜患。專防西
夷。土魯番最好狡。自阿力以來。皆挾哈密邀利。隆
慶後不復言哈密事。土魯番頗息肩。而海虜轉熾。
甘涼間。其俗侯煖。鮮雨雪。宜麻麥。饒瓜果。羊馬室
居奉佛多。僧寺往陳誠使至其國。還言城西北百
里有靈山。最大。夷人言此十萬羅漢涅槃處也。近
山有高臺。有寺。擁石泉林木。從此入山行二十里。
至一峽。南有小土屋。從屋南登山坡。得石屋奉小
佛像五。前有池。池東山石青黑。遠望紛如毛髮。夷

皇明世宗 卷八十二
人言此十萬羅漢洗頭削髮處也。緣峽東南行六七里，登高崖，崖下小山纍纍，峯巒秀削，其下白石成堆似玉，輕脆不可握。堆中有若人骨，狀堅如石，色澤明潤。夷人言此十萬羅漢靈骨也。又東下石崖，得石笋，迸出如手足，稍南至山坡，石復瑩潔如玉。夷人言此辟支佛涅槃處也。周行羣山約三十餘里，悉五色沙石，光焰灼人，四面峻壑窮崖，天巧奇絕，然寡艸木，亦鮮鳥獸。自誠使後，土魯番漸張旁嚙諸國，及關外七衛地廣人庶，眎昔懸絕矣。弘治中，經畧嘗罷其貢，嘉靖二年後，貢期以五年有鄰近爲火州柳城黑婁。

火州

火州漢車師前後王地也。自元帝置戊巳二較尉，屯田車師前王庭。和帝時，班超定西域，復置較尉，領兵五百人居車師前部。高昌壁以地勢高，厥得名。後魏初，闕伯周自稱高昌王，併於麴嘉。唐貞觀中，平其國，置西州及都督府，而西突厥據車師後王地。尋以來降，置庭州，領蒲類等縣。其後西州陷。

皇明世宗 卷八十二
吐蕃有回鶻雜居亦稱西州回鶻宋時因遣使貢
獻太宗遣供奉官王延德等使高昌經望鄉嶺歷
伊州乃至地極熱產五穀惟無蕎麥出貂鼠白氍
繡文花蓋布赤白塩蒲桃酒樂多琵琶箏篥俗好
騎射婦人戴油帽謂之蘇幕遮用開元七年曆以
三月九日爲寒食激水交湫爲戲佛寺皆唐賜額
其國師子王避暑北庭山中出碣砂嘗有烟氣涌
起至夕光焰若炬火照見禽鼠皆赤疑所繇稱火
州者也元號畏兀兒隸馬哈木八。

國朝號火州城方十餘里東七十里距柳陳城西百
里爲土魯番永樂七年嘗遣使朝貢十二年吏部
員外郎陳誠使至言其國風土蕭條民居僧堂叅
半皆零落東有荒城故址卽古高昌國治漢西域
長史戊巳較尉所居處宣德五年火州王哈散偕
土魯番萬戶賽因帖木兒柳東城萬戶瓦赤刺茲
貢馬及玉璞爾後朝貢止稱土魯番云其城東距
哈密西連亦力把力南接于闐北抵瓦刺東南至
肅州一月程。

柳陳

柳陳一名魯陳亦曰柳城漢名柳中延光二年以

班勇爲西域長史。將弛刑士五百人。西屯柳中。遂破車師。卽其地也。唐平高昌。至柳中。縣屬西州。交河郡。去哈密千里。中經大川。砂磧無水。艸馬牛過此輒歿。大風倏起。人馬相失。道傍堆骸骨。白日鬼魅。迷行人。夷中謂之旱海。出川西行。至流沙河。上有小岡。云風捲浮砂所積。道北火焰山。色如火城。方二三里。四面多田園。流水環繞。灌木芴蔚。候煖俗醇。宜糝麥麻豆。有小蒲萄。甘甜無核。名鎖子蒲萄。人二種。回回男子削髮。戴小罩。刺婦女白衣。裹頭。畏兀兒男子椎髻。頰人蒙皂布垂髻於額。大抵皆胡服。

黑婁

黑婁在嘉峪關西。近土魯番。世締好。黑婁夷貢從土魯番入。其地男女山水艸木禽獸。並黑。宣德七年。始遣使朝貢。

于闐

于闐國東西五千里。南北千里。在沙州西南。去蔥嶺二百里。大畧蔥嶺以南。其國撒馬兒罕。最大。以北。于闐最大。于闐有河北流。與蔥嶺河合。東注蒲昌海。所名鹽澤。南出積石爲河源者也。其西水皆

西流注西海。國人每歲秋取玉於河。曰撈玉。夜時月光盛處。索美玉必得焉。河分爲三。有白玉、綠玉、黑玉之別。土宜五穀、桑麻。釀葡萄酒甚美。俗機巧事妖神。西五百里有比摩寺。云是老子化胡成佛之所。自高昌以西。國人深目高鼻。惟于闐貌不甚類胡。亦稍知禮節。相見輒跪。得問遺書。戴于首。乃發之。自漢武帝以來。中國詔書符節。傳以相授。工紡織。喜歌舞。善鑄銅器。以木爲筆。玉爲印。漢建武末。莎車王賢攻并于闐。徙其王俞林爲驪歸王。後于闐將休莫霸自立。傳兄子廣德。遂滅莎車。轉強

盛。順帝永建六年。于闐王遣侍子詣闕貢獻。梁天監九年。始通江左。十三年。獻波羅漢步障。隋大業中。頻朝貢。其王以王爲氏。唐貞觀六年。遣使貢獻。王姓尉遲。阿史那社爾旣平龜茲。勸于闐王伏闕。信入朝。上元初。以其地爲毘沙都督府。安史亂後。不復至。石晉天福中。其王李聖天。自稱唐宗屬。遣使來貢。紅鹽、蠶金諸物。冊爲大寶于闐國王。宋建隆二年。貢圭一。以玉爲柙。乾德三年。僧善名善法來朝。賜紫衣。四年。王言破疏勒國。得舞象一。欲以爲貢。詔許之。天聖三年。貢玉帶、胡錦、獨峯橐駝。詔

皇明世宗金 卷八十一
給還其直嘉祐八年以其國王爲特進歸忠保順
砮鱗黑韓王從所請也于闐謂金翅烏爲砮鄰黑
韓蓋可汗之訛云訖宣和數朝貢永樂六年其酋
打魯哇亦不刺金遣使貢玉璞十二年吏部員外
郎陳誠至其國見徧鄰境頗單弱人民僅萬計皆
避居山谷間惟火州魯陳哈失哈力阿力稍有城
邑永樂後西戎修貢不敢相攻始獲休息行賈諸
番國益饒富始于闐貢使每來必携一寶璫徃反
眎之鐵璫耳云其來道流沙踰三月程無薪水獨
挈水行是璫投以水卽沸故寶之或曰其城東距

曲先衛北連亦力把力東北至肅州六千三百里
亦力把力

亦力把力或曰焉耆或曰龜茲在沙漠間東距古
沙州西抵撒馬兒罕南接于闐北連瓦剌東南至
嘉峪關三千七百里元時封馬哈木于此名別失
八里世祖立宣慰司以萬戶綦公直爲宣慰使後
置元帥府領屯田洪武二十四年國王黑的兒火
者遣使貢馬命主事寬徹等報諭以書永樂四年
王沙迷查干貢玉璞且言哈密忠順王安克帖木
兒爲北虜鬼力赤毒歿願率兵討之

皇明世宗金 卷八十二
上喜特賜綵幣。十二年陳誠使其國。十六年夷目速哥克刺滿刺來朝。言歪思弒其從兄納黑失只罕自立爲王。徙其國東去。更號亦力把力。正統二年其王也先不花遣人貢玉璞駝馬。景泰天順後入貢不絕。其國逐水艸住牧。以氊罽爲帳。寒暑坐臥於地。無城郭宮室。近蔥嶺有熱海。然氣候常寒。深山大谷。六月飛雪。平原夏秋稍暖。王戴小罩刺簪。鷄翎衣。秃袖衫。削髮貫耳。甘肉酪。或食稞麥。俗獷而穢。言語類畏兀兒。產銅鐵鉛雄黃胡粉氍毹呵魏白氎布。又哈失哈力。宣德間遣十四人來朝貢。或曰卽阿方馬力。

撒馬兒罕

撒馬兒罕古罽賓國。在懸度山西。史稱地平溫和。有苜蓿梓竹漆蒲萄諸果。下溼生稻。其民雕文刻縷。治宮室織罽刺文繡。市以金銀爲錢。出封牛沐猴孔雀珠璣珊瑚琥珀。亦西域都會也。其先匈奴破大月氏。大月氏西君大夏而塞王南君罽賓。自漢武帝始通中國。更立其王。成帝時遣使來獻。漢欲徃報。杜欽說大將軍王鳳以罽賓更不屬漢之國。四五。又歷頭痛之山。身熱之阪。繩索相引。乃抵


縣度涉危路。以事無用。非久長計。卒罷遣如欽言。隋爲漕國。大業中貢方物。其王姓昭武。戴金牛頭冠。俗乘象。治浮屠法。唐貞觀中。罽賓獻名馬。王居脩鮮城。顯慶三年。以其地爲脩鮮都督府。拜其王都督。開元七年。遣使獻天文及秘方奇藥。元駙馬帖木兒主其國。東有養夷沙鹿海。牙賽蘭達失干。西有渴石迭里迷諸城。並隸焉。洪武二十年。國主帖木兒遣貢駝馬。厚賜之。二十二年。復貢馬。二十四年。貢海青。

賜勅加賚。二十四年。遣使迭力必失表貢馬二百匹。

初撒馬兒罕人商於漠北。自捕魚兒海見執。

上疑奸細。留中國久。得其情。遣歸國。其主因貢謝及之。二十八年。遣兵科給事中傅安郭驥等使西域。留撒馬兒罕。永樂五年。還夷目哈里遣使隨貢方物。安等言帖木兒卒。孫哈里應嗣。

上賜哈里璽書銀幣。且諭祭帖木兒。賜安等衣。頃之。兀魯伯貢馬。復遣安等。或曰。兀魯伯即哈里。是歲。北平按察使陳德文亦自撒馬兒罕歸。德文洪武末使西域。遍歷諸境。采山川風俗。作詩歌一帙進呈。



皇明世宗 卷八十一
上嘉之。賜馬擢僉都御史。洪熙元年。傳安始還國。請
勅命。吏部言。安歷年歲久。未經考覈。例不得授。
上曰。安留遠夷二十餘年。良苦。何例爲。命特與之。正
統二年。貢馬玉石。四年。貢良馬色玄。蹄額皆白。
詔圖像。賜名瑞鶉。十三年。又貢方物。命宴其使。陝西
布政司。成化十七年。進二獅。至嘉峪關。夷使奏遣
大臣往迎。職方郎陸容言。獅子無用之物。在郊廟
不可爲犧牲。在乘輿不可備驂服。宜卻勿受。禮部
尚書周洪謨亦言。往迎非體。
上卒遣中使迎之。獅日食生羊二。醋酣蜜酪各二瓶。

豢獅人光祿日給酒飯。二十二年。夷使泊六灣。還
國。迂塗至廣東。將往滿刺加。市狻猊入貢。市舶中
使韋眷佐之。所在震駭。布政使陳選抗言。此西域
賈胡。恣爲奸利。願無墮其謀。開海道。貽諸番。笑部
覆得寢。而番禺縣民黃肆等。賄結韋眷。交通撒馬
兒罕等國。夷商滋擾。知縣高瑤搜沒番貨。鉅萬。選
具奏。竟爲眷誣。逮獄。道沒南昌。聞者惜焉。弘治二
年。撒馬兒罕遣使貢獅。所過繹騷。禮科給事中韓
鼎言。猙獰之獸。狎玩非宜。且供費不貲。宜罷遣。三
年。又繇南海貢獅及鸚鵡。禮部尚書倪岳言。南海

三
非西域貢道。請卻之。自後貢皆從嘉峪關入。嘉靖
改元。撒馬兒罕等夷各進貢。陝西行都司伴送至
甘州。驗放入關。各夷留西安真定貿易。踰年始赴
京。禮部尚書汪俊疏稱各夷在途遷延。今後給賞
卽促起程。仍行陝直河南各夷還日。延住驛遞一
日以上。住支廩給。

上從其議。二年始定。五年一貢。其國東西相距千里
在哈烈東北三千里。東去嘉峪關九千九百里。山
川錢門峽阿木河最大。王白帽婦人以白繒纏首。
尚回回教。有拜天屋。青石雕縷最精巧。經文裏以
羊皮書。以泥金。城市稠密。西南番賈多聚焉。禁酒
以手取食。貢物有番椀矮納鎖服腦砂賽蘭珠梧
桐。鱗銀鼠皮珊瑚樹枝阿思馬亦花珠。道哈密。南
史述鬱金香獨出罽賓國。華色正黃而細。大似芙
蓉。又北戶錄稱唐初罽賓國獻俱佛頭花。爲中國
所無。今不聞入貢。

沙鹿海牙

沙鹿海牙。在撒馬兒罕東五百里。城據小岡。西北
臨山河。河名水站。勢衝急。有浮梁。其地南近山。三
面皆平川。居人依崖谷。頗繁庶。西有大沙洲。可二

百餘里無水。卽有水不可飲。牛馬飲輒歿。有臭艸根株獨立高尺許。枝葉如蓋。春生秋歿。穢氣逼人。取生汁熬膏卽阿魏也。亦有細草以熬膏味如蜜。

賽蘭

賽蘭一作賽藍。去撒馬兒罕千里。在達失干東。城周三里。有浮圖爲祈拜之所。四面平原。流水環繞。草木豐茂。五穀蕃殖。夏秋間艸生黑蜘蛛甚小。毒甚。嚙人遍體作痛。號呼動地。土人誦呪禳解。以薄荷枝拂毒處。又以鮮羊肝遍察。經一晝夜痛息。膚如蛻。牛馬被傷輒歿。行人宿必近水避焉。元史序

薛塔刺海從征。賽蘭諸國並以礮立功。考會典西夷貢物。有賽蘭珠石。

達失干

達失干在賽蘭西。去撒馬兒罕七百里。城據平原。甚狹小。四面平岡。溪流蜿蜒。多林木。土宜五穀。居民稠密。俗朴而饒。

渴石

渴石在撒馬兒罕西南二百六十里。城據大村。周十餘里。四面水田。東南近山。中有園林頗宏麗。故酋帖木兒駙馬居也。墻壁總櫺。飾以金碧琉璃。堂

皇明世法錄 卷八十二
四隅白石柱如玉。西行十餘里多奇樹。又西三百里大山屹立。中有石峽。兩壁懸崖如斧劈。行二三百里出硤口。有門石色如鐵。夷人指云此鐵門關也。元太祖至東印度。駐鐵門關。有一角獸形如鹿而馬尾。其色綠。作人言。以問耶律楚材。對曰。此瑞獸名角端。能言四方語。好生惡殺。帝爲班師。蓋其地近東印度矣。

迭里迷

迭里迷去哈烈二千餘里。在撒馬兒罕西南。新舊二城相去十餘里。王居新城。東距阿木河。河廣非舟不可渡。多魚。城內外居民僅數百家。孳畜蕃息。河東地隸撒馬兒罕。河西有蘆林。多獅子。

卜花兒

卜花兒在撒馬兒罕西七百里。城居平川。周十餘里。市里華庶。戶口以萬計。地曠衍。宜五穀桑麻。天氣溫和。冬不附火。蔬菜不絕。產布帛絲綿六畜。大類中國。

養夷

養夷在賽蘭撒馬兒罕亦力把力蒙古諸部落間。數相侵掠。無寧居。惟數百人。戍孤城。四面皆亂山。

皇明世法錄 卷八十一 西戎 三
東北有大溪。西流。長數百里。溪旁頽垣。維榛莽。

亦思把罕

亦思把罕。廣袤近千里。於西南海中。爲大國。四面皆海。西北多山。東南皆平沙。王居宏麗。城亦堅壯。產饒俗朴。食惟麥稌麥。粒麤而甘美。少布帛稻麥。多馬駝珠珀。亦有中國人流寓。時賈撒馬兒罕。以取給。永樂中遣使四十四人來朝貢。

答兒密

答兒密國。在海中。不百里。人不滿千家。板屋有墻。壘無城郭。產馬駝羊牛布褐。交易兼銀錢。亦用牛

耕。刑以箠朴。服屬撒馬兒罕。永樂中遣使十八人來朝貢方物。

賜大統曆文綺藥茶。

失刺思

失刺思。永樂間遣使朝貢。時遣官以綺幣磁器。市馬於迤西撒馬兒罕。失刺思諸國。宣德中貢使凡八人。

納失者罕

納失者罕。東去失刺思數日程。皆舟行海中。其國有山林川澤。魚蟲城東平原。饒水艸。可牧馬。馬有

皇朝通志卷之二十一
三
哈烈
數種。最小者高不過三尺。俗重僧。所至飲食之。顧尚氣健鬪。以不勝爲嗤鄙。永樂中遣使十人朝貢。

哈烈

哈烈一名黑魯。去嘉峪關萬三千里。撒馬兒罕西南。元駙馬帖木兒之子沙哈魯居焉。國人稱速魯檀。華言君王也。東有俺都淮八刺黑諸城並隸其國。王石城方十里。居平川。川廣百里。四面大山。王並山東北。疊石爲屋。屋若高臺。無棟梁。並金碧雕嵌。窓垣粲如芴列。張重茵。錯以綺繡。上下相接。直呼名。王亦然。謁見微屈躬。道撒力馬力一語握手。

或相抱爲禮。人善走。日行可三百里。候常燠。少雨。市中流水不斷。無正朔。時日月亦無斗斛。用權衡爲量。貿易以銀錢。三筭。稅十二。國用仰給。少炊爨。飲食無七箸。不祀鬼神。祭先於墓所。男髡。首衣尚白。喪易青黑。亦無棺槨。產巴旦杏。鎖服花毯。金銀銅珊瑚琥珀珠翠馬獅黑白文獸白鹽。堅潤如水。晶琢磨爲器。沃以水和肉食。田美多獲。農不甚勞。每歲更休以完地力。宜桑與蠶。爲統綺細密。踰中國。篋器尤精巧。贈予宴會。豐厚大抵西域城郭諸國。哈烈最瀆亂。無耻然。有學舍。聚生徒。講習經義。

省刑薄歛寡訟好施兼務農桑則諸國不逮云洪武二十五年遣使詔諭酋長。

賜金綺永樂七年夷目麼賚等朝貢十五年吏部員外郎陳誠使其國正統二年指揮哈只等貢馬。

俺都淮

俺都淮西南去哈烈千三百里東北去撒馬兒罕如之城在大村中村廣百里城居十一曠衍無險峻土沃人稠稱樂土永樂中嘗遣使朝貢。

八刺黑

八刺黑一名八黑在俺都淮東北城居平川周十餘里南近山無險地廣物豐饒西南諸番賈聚焉又八荅黑商其國奉佛浮圖壯麗如王官永樂間朝貢方物織皮絨罽香木疑卽八刺黑。

魯迷

魯迷或云地屬哈烈嘉靖三年其王遣使自甘肅入貢獅子二西牛一都御史陳九疇以聞給事中鄭一鵬言所獻皆非土性乞就彼犒遣以光聖德杜窺伺不報明年禮部尚書席書奏魯迷不載王會真贖莫辨頃土魯番數侵甘肅而甘州撫夷官

于魯迷數內查有夾帶土魯番夷衆其詐甚明請
善遣出塞仍治所獲姦謀

詔鎮巡體覈五年復貢命畜獅牛內府仍留熟夷五
人飼之貢使頗索加賞云往買瓦刺費且二萬金
詔定五年一貢每貢起送十餘人貢物有玉石珊瑚
珠金剛鑽花帳子捨列孫皮花瓷湯壺羚羊角瑣
服二十三年北虜寇甘州總兵楊信以土官百戶
馬能言令魯迷諸國貢夷九十餘人前禦虜寫亦
阿力等九人歿焉都御史詹榮以聞
上從兵部議褫信職逮能于理以寫亦阿力歿事給

棺歛費送歸本國仍諭國王以優卹意

麻林

麻林國永樂十三年獻麒麟禮部尚書呂震請至
日率羣臣上表賀

上不許曰往翰林院修五經四書性理大書成欲上
表進賀朕則許焉麒麟有何損益其罷賀厚賜遣
之

拂菻

拂菻國在嘉峪關外萬餘里按唐史云古大秦也
大秦國一名犁鞞居西海西亦云海西國漢時以

旄毼毳罽帳之屬。道多猛虎獅子。羊種土而生。臍屬地介。馬擊鼓驚之。乃絕。他語多不經。或云國西有弱水流沙。近西王母所居。幾於日所入。從條支西渡海。曲一萬里。蔥嶺以西國最大。循海而南。與交趾外夷接。又水道通益州永昌。故永昌出異物。

天竺

天竺國一名身毒。漢史稱西通大秦。在月氏東南數千里。臨恒水。卑溼暑熱。乘象戰。脩浮屠道。別國數十王。並以身毒爲名。張騫使大夏。見邛竹蜀布。云市之。身毒。武帝遣使十餘輩。間出西南。指求爲

昆明所閉。不得通。至明帝夢金人。以問羣臣。或曰西方有神。名曰佛。長丈六尺。而黃金色。乃遣使天竺。問佛道法。併圖像。其教始入中國。桓帝延熹中。頗從日南徼外來獻。梁天監初。王屈多遣長史竺羅達。奉表獻琉璃唾壺。襍香吉貝。南史作中天竺。其外復有天竺迦毘黎國。後魏宣武時。南天竺國王。婁羅化獻駿馬。凡去代三萬一千五百里。隋煬帝銳通西域。唯天竺拂菻不至。唐武德中。王尸羅逸多討四天竺。皆臣之。貞觀十五年。遣使獻火珠。鬱金菩提樹。自稱摩伽陀王。後朝貢相繼。乾封中。

五天竺的
是異境若
得履至焉
亦是快事

五天竺主並來朝獻。南天竺瀕海。北天竺距雪山。
東天竺際海。與扶南林邑接。西天竺與罽賓波斯
接。中天竺居其會。並直蔥嶺。南有別國數十。置王
曰舍衛。開戶東向。開元時。南天竺獻五色能言鳥。
乾元末。河隴陷。遂絕。周廣順三年。西天竺僧隆滿
多等十六族來貢馬。而滄州僧道圓。自晉天福中
詣西域。歷乾德三年還。得佛舍利一。水晶器具。葉
梵經四十夾來獻。凡在塗十年。住五印度六年。五
印度卽天竺也。明年僧行勸等百五十七人詣闕
言願至西域求佛書。許之。開寶後。天竺僧數持梵

夾來。八年。東印度王子穰結說囉朝貢。天竺法王
歿。太子襲位。餘子皆出家爲僧。不復居本國。有王
子曼殊室利。隨中國僧至。館於相國寺。善持律。後
附賈人船歸。不知所適。雍熙中。胡僧密坦羅奉北
印度王及金剛坐王那爛陀書來。自云東行六月
至大食國。又二月至西州。又三月至夏州。天聖二
年。西印度僧獻梵經。賜紫方袍。大畧其國土沃民
淳。不茹葷。宗瞿曇學。戒貪嗔婬嫉。七日一禮拜天
每食輒誦經坐臥。置天王爲惺惺法。王與大臣服
錦罽頂爲螺髻。剪餘髮下垂。鑊鈸鈴螺。襍奏爲梵

樂男子髡首穿耳懸璫跣足服色尚白製如袈裟
致詞以砥足摩踵展敬工天文星曆產犀象貂鼯
璚瑁金罽火齊金剛鑽與大秦諸國交市火齊如
雲母作紫金色有光耀裂之薄如蟬翼積之則如
沙穀重沓金剛鑽似紫石英可切玉或云以肉投
大澗底飛鳥食肉遺糞得之恒水源出崑崙甘美
下有真鹽色正白如水精始嶺南香山有澗曰濠
鏡爲諸番互市地夷商襍處珍貨克物易交闕天
竺僧渡海來歷三年達濠鏡諸夷信其法遂奉約
束戒行亦足重云

榜葛刺

自蘇門答刺順風二十晝夜至榜葛刺在海西南
或曰西天有五印度國榜葛刺卽東印度也從翠
藍島入察地港更小舟行五百里有鎖納兒港有
城池市聚始遵陸抵國可三十五里西通金剛寶
座國曰沼納樸兒乃釋迦得道之所永樂二年國
王靄牙思丁遣使朝貢六年上金葉表九年至太
倉命行人往宴勞之十二年王蹇弗丁奉金葉表
來貢麒麟等物正統三年復至其國地廣人稠沃
饒甲於他境王及酋長皆回回人祝髮白布纏首

三國志卷之八十一
圓領長衣。綵帨皮屨。風俗朴厚。人好耕殖。一歲二熟。賦十二。刑笞杖徒流。官有印。軍有糧。陰陽醫卜。百工技藝。畧備。市用銀錢。海貳。價定打手。雖萬金不改悔。別有一種印度。不食牛肉。飲食男女異處。夫歿不改嫁。妻亡不再娶。孤寡衆輪贍之。五嶺山最高大。氣候恒熱如夏。曆有十二月無閏。產鑛。鑿翠羽。瑠璃。桑漆。尤廣。絲綿製鎗剪絕巧。布數種。有濶四五尺者。兜羅錦。背面皆毳絨。厚可五分。白樹皮布。膩潤與鹿皮等。椰茭爲酒。檳榔爲茶。波羅蜜味甘大如斗。優人衣黑白花衫。紫帨。佩珊瑚琥珀。

纓絡歌舞侑觴。能作百戲。以鍊索繫虎行市中。入門解索。裸而搏虎。交撲數回。就繫如故。人爭以肉啖虎。永樂間使至禮甚厚。禁用酒。以薔薇露和香蜜水飲之。貢物有戩金。琉璃器皿。撒哈刺。兜羅錦。烏麥泥。藤竭。糖霜之屬。

沼納撲兒

沼納撲兒國在印度中。卽古佛國也。永樂十八年國王亦不刺金。數侵榜葛刺。遣使齎勅諭之。因來朝貢。

黑葛達

皇明十法金 卷八十一
黑葛達國小而貧。平川廣野。多艸木。禽獸稀少。市肆牛羊蕃育。用鍤錢交易。俗尚佛。畏刑。宣德中嘗遣使十人朝貢。又有白葛達在西海中。小國土瘠亦尚佛。宣德七年國王遣使朝貢。

天方

天方古筠冲地。舊名天堂。一稱西域。自忽魯謨斯四十晝夜至其國。乃西海盡處。或云從陸路抵中國。凡匝歲。永樂七年。因中使鄭和往使。以獅子麒麟來貢。宣德中遣其臣沙噶貢方物。正德十二年再至。嘉靖四年。禮部言天方等蕃國入貢。陝西都

司稽留半年以上。方爲具奏。發冊所進玉石多疵惡。而夷所私貨皆良。請行巡按御史查覈。自今無得多帶玉石。以擾驛路。其方物印封案驗。不堪治都司官罪。明年火者馬黑木等入貢。禮部主客郎陳九川驗玉稍苛。夷有後言。鴻臚通事胡士紳修郟訐稱九川索受玉璞。

上令逮訊。會大學士費宏製玉帶。邏騎執舍中兒去。宏疏辯。係尚書鄧璋。肅答。與天方前失玉璞輕重不倫。溫旨慰之。而九川竟謫戍。十七年。天方貢使請遊覽中國。禮部奏非例。疑有狡心。詔絕之。初定

五年一貢。有駝馬鐵角皮。醃班兒香諸物。萬曆中復至。俗辮髮。穿白長衫。用回回曆。較中國前後差三日。風景融和。四時皆如春。田沃稻饒。以馬乳拌飯。日落聚爲夜市。建寺層次高上如塔。月初生拜天。號呼稱揚以爲禮。有馬高八尺。名天馬。按杜環經行記。大食國士女偉壯。閼麗。衣裳鮮潔。一日五時。必禮天堂。可容數萬人。市閉輻湊。萬貨豐賤。大約與天方國相類。

默德那

默德那卽回回祖國。地接天方。有城池宮室田園

市肆。五穀繁滋。大類江淮間。初國王謨罕。慕德生而神靈。西域諸國並臣伏焉。尊爲別譜。拔爾華言天使也。其教以事天爲本。而無像。日每西向拜天。有佛經三十藏。凡三千六百餘卷。書兼篆艸楷。西洋諸國皆用之。隋開皇中始傳入中國。尤精星曆。亦解醫藥。音樂。織文。雕縷器具精巧。洪武元年。改太史院爲司天監。又置回回司天監。二年爲徵元。回回曆官鄭阿黑等十一人赴京議曆法。占天象。給廩賜服有差。宣德中國王遣使隨天方國朝貢。正德中。回回人于永進秘方得幸。拜錦衣衛都指

皇明世法錄 卷八十二
揮同知而御馬監西海子。設養虎回夷三名。嘉靖
登極。以給事中鄭一鵬疏屏之。并歸甘州。所簡進
回回女你兒干等。奸夷于永竟。庚戌籍其家。今國
人多附舶香山濠鏡。溥貿易。其人善鑿識。每於賈
胡海市中。廉得奇琛。故稱識寶曰回回。而種類散
處南北。爲色目人甚夥。並窓目胡鼻。用白布纏首。
寄居哈密者尤勁悍。俗以蜜爲酒。以牛爲菜。好歌
舞。夫婦配合。必取水淋沐。親歿用布囊屍入棺。鼓
樂導至墓。去棺底掩以土。妻子至以水潑之。祈速
朽爲孝。蓋近墨氏之流。非同類。殺不食。禁食豕肉。
相傳其始。驢豕交媾而生。不敢破戒。奉其教者行
賈居送千里不持糧云。

阿速

阿速在西海中。爲大國。城倚山面川。川南流入海。
涼暄適節。有魚塩耕牧之利。俗尊鬼好施。惡爭鬪。
亦饒物產。鮮飢寒。寇盜聚落。多撒馬兒罕。天方諸
國人。永樂中嘗遣使百十二人來朝貢。

沙哈魯

沙哈魯在阿速西南海島中。山川環抱。居民旅處
村落。畜產孳息。王及酋長城居瓦屋。佞佛。耻鬪。俗

號淳直西域賈胡來市海中得奇貨不惜酬數倍沙哈魯人不識也永樂間遣使朝貢凡七十七人

火刺札

火刺札國頗微弱四圍皆山鮮艸木水流曲折亦無魚蝦城僅里許多板屋俗尚佛喜中國磁器針線永樂十四年嘗朝貢

吃力麻兒

吃力麻兒山卑水淺西南傍海東北林莽多毒蟲猛獸得中國雄黃麝香磁器甚喜不事耕農好射獵有達巷無市肆交易無期用銅錢永樂中嘗遣

使十一人來朝貢方物惟獸皮鳥羽屬褐之屬

敏真誠

敏真誠國亦大多高山深水縛木為渡以日中市諸賈畢集見中國磁漆器爭欲得之產駝馬異香永樂中國王遣四十人來朝貢

白松虎兒

白松虎兒舊名速麻里兒國中無大山亦鮮林木無猛獸毒蟲之害先是嘗有白虎出松林中不傷人畜旬月後不復見國人以為神虎父老曰此西方白虎降精因更其國號白松虎兒永樂中使十

此國看來如須弥中界于

皇明世法錄 卷之二十一
六人來貢

加異勒

加異勒西戎小種居人不及千家貧窶常備食鄰國永樂中王者麻里奈那遣使貢方物宣德間再朝貢

西番

論曰羌部散處其強不能當虜而與虜合則彼遂得借以樹敵撤我藩籬故招番以扞虜自隆萬後始煩規畫洮河間每苦脊脊多事而虜猶不得遽收爲用以

中朝先後經制尚足以縻其心也虜搶番之徑既開而轉與羌習吾曾不能制羌歿命而聽虜挾羌爲市蠶食日深將鴟張日甚策莫若嚴假道之禁以攜羌虜之交是在邊臣早爲綢繆地耳若乃法王佛子藉口壤奠厚往薄來無惜小費而妨大計則廟堂久有成謨矣

西番古吐蕃地本羌屬按漢史西羌出自三苗地近南岳及舜徙之三危河關以西濱於賜支至于河首綿地千里賜支者禹貢所謂析支也南接蜀漢徼外蠻夷西北鄯善車師諸國逐水艸產牧氏

皇明世法錄 卷八十一
族無定。以父名母姓爲種號。強則分種稱酋豪。其
兵長在山谷。果於觸突。以戰歿爲吉。耐寒苦得西
方。金行之氣焉。按今西番地爲都指揮使司二。曰
烏思藏。曰朶甘。爲指揮使司一。曰隴答。爲宣慰使
司三。曰朶甘。曰董卜韓胡。曰長河西魚通寧遠爲
招討司六。曰朶甘思。曰朶甘隴答。曰朶甘丹。曰朶
甘倉溘。曰朶甘川。曰磨兒勒。爲萬戶府四。曰沙兒
可。曰乃竹。曰羅思端。曰別思麻。爲千戶所十七。曰
朶甘思。曰刺宗。曰孛里加。曰長河西曰多八三孫
曰加八。曰兆日。曰納竹。曰倫答。曰果繇。曰沙里可

哈忽的。曰孛里加思。曰撒里土兒。曰參卜郎。曰刺
錯牙。曰泄里壩。曰濶則魯孫。並洪武初置。其後增
設招討司。有曰直管安撫司。有曰別思寨。曰襍谷。
曰長寧。長官司。有曰襍道。曰達思蠻。又有加渴瓦
寺。金川寺。韓胡禰怯列寺。蕃僧有封灌頂國師者。
自洮岷階文西固南達松茂。族種甚繁。在階文者
名武都羌。在洮者吐谷渾羌。而松茂間東西阻河。
列砦四十有八。殆不勝紀焉。始生番出歿如風雨。
而屬番納馬中茶頗馴服。後寢通生番剽劫。自虜
據西海起松山及莽刺彌望皆虜。反出番南。番不

皇明世宗憲皇帝 卷八十一
堪虜私鑄皮幣曰手信。歲時加送曰添巴。至充部落。嚮導。番虜一家藩籬盡撤。亦大煩經制矣。風俗大抵朴魯。君臣爲友。上下一心。食酪衣氊。居毳帳間。用板屋。或壘石巢居。如浮屠。以梯上下。人居其中。上貨下畜。高十餘丈。謂之碉房。卑者二三丈。名鷄籠。音樂尚琴瑟。好狠鬪。務耕牧。貴壯賤弱。尊釋信。詛重利。懷恩喜啖生物。能耐飢寒。亦天性也。階文番據層崖深箐。食稗豆。跳躍如獼猴。相傳番人無腓易奔。以憑險不畜騎。洮番甲馬頗整。卽面中一二鎗挺立不撓。衣多用璣璣紅綠緣飾。戰屈以

一奴爲大誓。鑿阮露其首。居恒據險發冷箭。擗石截軍餉。日就關堡索飲。見燬燻起。卽蛾聚攢食。曰和番。每執堡軍爲質。山川大者崑崙山。可跋海黃河。折支涅水。物產珍異。有犛牛。名馬。羴羊。天鼠皮。獨峰駝。而仰給中國茶麝香爲命。無茶則發腫病。且歿。無麝香則苦蛇蠱。殘麥禾。故自昔以閉關絕貢。可制西番。貢物多畫佛。銅佛。銅塔。舍利。足力麻。鐵力麻。璣璣珊瑚。犀角。左髻毛。纓酥油。刀劍。遮甲麻。衣道川。陝其長河。西朶甘思等。並繇雅州入境。每渝約多人。且不如期。隆慶三年著令。各三年一

貢。赴京多者八人。以次遞減至四人。餘各留邊候賞。而賞額每處多者千餘人。少不下百人。所費不貲。率奸商積猾。冒誥勅混索金繒。且往來互販以漁利。所貢獻亦殊不成享。廟堂雅知其敝。卒不能禁。而別種在雲南鐵橋北名古宗。一云細腰蕃。

高皇帝既下雲南。裂吐蕃爲二十三支。分屬郡邑。轄以土官。府則麗江永寧州。則北勝浪蕩等。各控制之。皆効順。惟我願指永寧所轄外。有所謂野西番者。稍不易制。古宗種鳩舌。瓣黑短裳。用犛牛或羊毛。撚線爲之。婦人用青白磁珠與碑磔相間。懸于項。或以松膏澤髮。成縷下垂。俗大近西番云。

哈密

論曰初置哈密。本以縮轂西戎。隔絕羌虜。乃脫脫
終鮮血胤。而罕慎。挾巴。並以非類。妄立貪醜。不堪
擔荷。至拜牙。卽直從叛。如流水。而欲強之歸國。爲
我外藩。庸可冀乎。揚旌萬里。侈言與繼。祇令小醜
得以城印爲市。靡蔽中土。甚無謂也。余攷前後規
畫。獨馬端肅襲擊牙蘭。毳爲得策。惜以聞外。違制
迄無成功。彭王兩經畧。並以材指聞。彭躁而疎。王
伎而復。適以疆事供陰陽報復之用。而功罪翻局。
若反覆掌。可心寒矣。或欲靡西寧海虜。西制土魯

番北控瓦刺。尤屬左算。端肅有言。西域賈胡規利。不善騎射。古未有能爲中國大患者。如虜得志。蠶食番族。是爲開門延寇。近事可鑒。議者至以哈密不復。埒鄧隲棄涼州。則光武之閉玉門。曾不足法歟。

哈密古伊吾廬地。自秦攘卻戎狄。西不過臨洮。至漢武始築。令居以西。置酒泉。及武威。張掖。燉煌。四郡。開玉門。通西域。斷匈奴右臂。隔絕南羌。月氏。繇是單于失援。遠遁。而幕南無王庭。王莽後。西域復役屬匈奴。明帝取伊吾廬地。置宜禾都尉。屯田。再

通西域。自建武至延光。三絕三通。從燉煌西出玉門。陽關。涉鄯善。北通伊吾。千餘里。從伊吾北通車師。前部高昌。壁千二百里。爲西域門戶。伊吾地宜五穀。桑麻。蒲萄。其北柳中。並膏腴。漢常與匈奴爭車師。伊吾。制西域焉。晉爲涼州牧張實竊據。歷後魏。西域復通。隋煬帝因裴矩進圖記。躬度玉門關。置伊吾。且末。鎮。唐初名西伊州。貞觀六年。更號伊州。伊吾郡。隸隴右道。安氏之亂。盡沒吐蕃。大中後。張義潮以瓜沙伊肅等十一州來歸。五代曰胡廬。積小月支遺種。仲雲居之。史稱卽漢屯田處。地無

皇明世宗金 卷八十一
水而常寒。多雪。每天煖。雪銷乃得水。在沙州西。元封其孽。忽納失里爲威武王。頃之改封肅王。卒。弟安克帖木兒嗣。

國初於張掖置甘州五衛。酒泉置肅州衛。武威置涼州衛。湟中置西寧衛。別置衛四。爲山丹。永昌。鎮番。莊浪。千戶所三。爲高臺。鎮夷。古浪。自陝西蘭州渡河千五百里至肅州。肅州西七十里爲嘉峪關。永樂二年。以安克帖木兒貢馬。

詔封爲忠順王。併卽其地建哈密衛。先後畫關以西置衛七。曰哈密。曰安定。曰阿端。曰赤斤。蒙古曰曲先。曰罕東。曰罕東左。而哈密北西。東去肅州。西去土魯番。各千五百里。北數百里。抵瓦刺。以天山爲界。授夷目馬哈麻火只等指揮等官。分居苦峪城。三年王卒無子。兄子脫脫俘蠻夷邸。命護歸嗣王。賜金印。誥命。以地當西域咽喉。天方等三十八國入貢。必取道哈密。令譯上諸番貢表。偵察向背。用華人爲長史。紀善。稍斥內藩。而部夷襍居。有回回。畏兀兒。哈刺灰三種。各立都督佐之。四年。賜王脫脫及其祖母速哥失里母妃等綺幣。是歲王爲祖母所逐。勅復立爲王。六年。王脫脫及祖母各遣使

皇明世宗金 卷八十二
朝貢而脫脫以沉湎衆不附。九年卒。勅都指揮哈納爲都督僉事守哈密。是歲封脫脫從弟免力帖木兒爲忠義王。

賜印誥玉帶。十二年。行在驗封員外郎陳誠使西域。還言哈密城在平川可三四里。東北二門。王稱速檀。有衆數百戶。多蒙古回回種人。城北大山餘三面。並曠衍。地謙鹵。宜橙麥。莖。耕用糞壤。產馬駝。玉石。鑛鐵。大尾羊。陰牙角。俗獷悍好利。西域貢使經哈密。輒索道路錢。乃聽出入。洪熙元年。貢硫黃。上諭虜中既有火藥。臨敵宜謹備。因勅宣大總兵知

之。宣德初。遣使祭哈密。故王免力帖木兒命其姪卜答失里嗣封忠順王。三年。以卜答失里孱弱。復立免力帖木兒之子脫歡帖木兒嗣忠義王。共理國。正統四年。貢玉。求紵絲。予四表裏。是時瓦剌強數侵哈密。哈密懼。稍持兩端。璽書諭母背德。終不悛。至拘畱漢人轉鬻。使至多。暴橫。或歐。或防護軍較邊。臣請絕貢。詔曲貸。天順元年。賜王朝服。母妻。呂孺寇。四年。賜紙金箔。薑桂茶礬。而忠順王再傳。爲孛羅帖木兒。天順末。見弑于其酋者林。無子。王母孛溫答失力。署國事。遭虜。亂加思蘭殘破國人。

皇朝通志卷八十一
奔潰來貢。動以千計。率邀宴賞。郵傳頗疲。供給成化元年。從禮部尚書姚夔等議。令哈密歲一貢。以八月初旬驗放。入關多不過三百人。內起送三十人赴京。其土魯番亦力把力等。或三年五年入貢。經哈密者及期偕來。無過十人。勅哈密王母撫緝流亡。稱朝廷厚意。二年。兵部奏王母以虜亂加思蘭侵掠。避居赤斤古峪。今虜退。宜勅復還哈密。報可。三年。以把塔木兒爲右都督守哈密。把塔木兒本畏兀族。故忠義王脫歡帖木兒外孫也。八年。把塔木兒歿。子罕慎赴京。嗣都督。貢駝馬加賞而上。

魯番時強盛。控絃可五萬。其速檀阿力尤雄黠。九年。挾哈密掠赤斤諸夷。王母不從。遂見虜及劫金印去。哈慎竄苦峪城。甘肅撫臣婁良以聞。兵部尚書白圭言。哈密爲我西藩。土魯番無故凌奪。不救則赤斤諸衛盡爲蠶食。嘉峪外皆敵疆。而禍中甘肅寔深。請集廷議。恢復會昌侯孫繼宗等議。遣使諭諸衛。以唇齒輔車。及乘速檀阿力入貢。賜勅令自新。因舉高陽伯李文。右通政劉文習夷情。勅往甘肅。規復哈密。文等至。則調罕東赤斤番兵數千。駐苦峪。不敢進。謬言阿力欲乘虛搗二衛。宜

皇明世宗 卷八十一
還兵自爲守。而弛擔入朝。阿力始輕中國。益侵內屬諸夷。十二年遣使赤兒米郎等來貢。且致書鎮巡飾罪。稱王母已死。須朝使至。卽歸金印。城池然特謾語。枝梧殊無還意。其冬更鑄哈密衛印。賜罕慎。明年于苦峪立衛居之。給土田及牛具穀種。十四年阿力歿。子阿黑麻稱速檀。年尚穉。甘肅撫臣王濬請乘間納罕慎。十八年罕慎入哈密。嗣忠順王罕慎貪殘。國人缺望。西域諸貢使苦要索。亦有違言。二十三年。反刺酋阿沙赤等相讐殺。西走據哈密。尋引去。弘治元年。奸回誘阿黑麻攻哈密。阿

黑等亦壯。乃曰。罕慎非脫脫族。安得王。王故應我。佯好語。罕慎聯姻至哈密城下。頂經盟。誘殺之。亦未敢頌言。據哈密遣使入貢。請代領西域職貢。且乞大通事往和番。兵部尚書馬文升議。阿黑麻與哈密各有分地。安得相併。以非虜之強。我屢卻。欵何小。酋輒與我構。且憫然王也。姑許照例入貢。請勅阿黑麻還王母及金印。歸我哈密。四年遣哈密夷目寫亦虎仙齋勅諭阿黑麻。時王母已歿。阿黑麻亦悔懼。上金印及所據城。

詔褒予金幣。陞寫亦虎仙爲都督僉事。文升謂夷俗

皇明世宗金 卷八十一
重種類且服元久哈密同城有回回等三種而北
山又有小列禿野七克力強虜數枝侵逼必得元
孽嗣封可懾諸番乃行求忠順近屬得曲先安定
王姪陝巴五年取據哈密三種夷目奄克孛刺等
合詞奏保使嗣王輔以奄克孛刺阿木郎未給冠
服諸番索賞陝巴不得阿木郎更勾引哈刺灰夷
掠土魯番牛馬阿黑麻怒六年復以兵入哈密支
解阿木郎虜陝巴及金印去事聞命兵部侍郎張
海都督僉事緱謙經理之會阿黑麻前遣夷目寫
亦滿速兒等四十餘人修貢至京事下廷議通事

王英言罕東及野七克力諸夷怨土魯番欠骨撫
而用之皆吾兵也西域使者方扣關倚互市爲利
我聲阿黑麻罪謝弗與通令彼窮而歸怨皆吾間
也而廷議皆欲命海以檄往如土魯番歸陝巴聽
予貢否卽留前使勿遣而絕其後使。

上從之海等至甘州遣哈密夷齋勅往諭阿黑麻歸
陝巴不報乃脩嘉峪關捕哈密奸回通阿黑麻者
者二十餘人戍廣西請絕西域貢七年春海等不
俟命輒還。

上怒其無功且不進圖本竝逮下獄海降山西叅政

然地里以
行兵彼謀
者窳矣

謙閉住。文升請安置前使。寫亦滿速兒等於闕。廣
稍用王英策。閉嘉峪關。令西域諸夷歸怨阿黑麻。
以孤其勢。而阿黑麻復入哈密。自稱可汗。大掠罕
東諸夷。謀言用雲梯攻肅州。且躡甘州。文升曰。是
直以虛聲恐喝耳。土魯番至哈密。十數程。中經黑
風川。哈密至苦峪。又數程。皆絕水。艸貢使往返。馱
水行。我第整師旅。謹斥埃。俟彼至肅州。出奇縱擊。
以逸待勞。虜殆可盡。頃之。阿黑麻西去。令夷目牙
蘭以四百騎據哈密。文升曰。是可襲而執也。召肅
州撫夷指揮楊翥。至計事。撫其背曰。清習夷情。悉

西域道里。今欲擒斬牙蘭。策安出。翥言罕東有間。
道可進兵。不旬日達哈密。文升曰。如若言以罕東
兵三千爲鋒。我師三千後繼。各持數日熟食。兼程
襲之。若何。翥稱善。文升即屬甘肅巡撫許進。如前
策。調兵食。遣副總兵彭清統。銳卒繇南山馳至罕
東。急令罕東諸番兵乘夜倍道襲牙蘭。八年冬。進
及總兵劉寧抵肅州。駐師嘉峪關外。遲罕東兵不
至。乃偕彭清循大路行。以水艸乏。絕不得馳。牙蘭
調知宵遁。惟餘番夷八百。登臺自保。師入哈密。得
陝巴妻女。并牛羊三千。斬級六十而還。我士馬乏

糧多物故。文升以出師違節制，徒取空城，大失望。議牙蘭不獲功，無可錄。獨軍士遠征勞苦，宜陞賞。上念邊臣冒險出塞，特陞進左副都御史，加寧左都督，清都督僉事。而西域亦自是頗憚中國。九年，阿黑麻破哈密，令夷目撒他兒及奄克孛刺住刺木城，奄克孛刺密結瓦剌小列禿，襲斬撒他兒，還守哈密。阿黑麻偏師合圍，舉火示小列禿來援，乃卻走而奄克孛刺使來貢，多請乞。至訐懇曹郎禮部尚書徐瓊疏逐之。十年秋，阿黑麻以絕貢失互市，窘甚，令其兄馬黑上書言西域諸國不得貢且歸。

怨。今悔過願還，陝巴及金印易前四十餘使，予貢如故。文升言虜挾詐，俟陝巴金印至甘州，始取寫亦滿速等於閩廣。是冬起前左都御史王越，加太子太保，總制甘涼等處邊務。經畧哈密。十一年，越出河西，而陝巴至甘州，令三種都督回回則寫亦虎仙、畏兀兒則奄克孛刺、哈刺灰則拜迭力迷失，共佐陝巴。奄克孛刺以罕慎弟與陝巴不協，乃妻陝巴以罕慎女，結好。是秋，賜陝巴蟒玉大帽，復封爲忠順，而釋寫亦滿速兒等西歸。亡何，越卒。哈密三種人久厭兵，而哈刺灰以射獵爲生，不願還哈

皇明世宗金 卷八十一
密文升請許留家之半肅州十二年春以兵護陝
巴歸哈密而土魯番諸夷許復入京朝貢勞賜良
厚陝巴嗜酒掙尅諸部阿孛刺等咸貳十七年春
更陰構阿黑麻迎其次子真帖木兒來王哈密陝
巴棄城走沙州守臣遣指揮董傑及奄克孛刺往
諭夷衆迎陝巴還阿孛刺不從傑等遂擒斬阿孛
刺并其黨六人餘怖服乃別令都指揮朱瑄勒兵
送陝巴復王而以真帖木兒還土魯番真帖木兒
時年十三其母亦罕慎女也會阿黑麻死諸兄讐
殺真帖木兒懼不敢還願依奄克孛刺守臣恐與

陝巴嫌使居甘州而其兄滿速兒尋定國亂自立
矣正德元年陝巴歿子拜牙卽嗣真帖木兒尚留
未遣三年滿速兒稱速檀朝貢上書求真帖木兒
兵部議質所愛不予五年走出城追獲之七年冬
令哈密三都督送真帖木兒西還八年春至哈密
獨奄克孛刺止不行寫亦虎仙滿刺哈三護至土
魯番以國情輸滿速兒潛誘拜牙卽叛中國拜牙
卽淫暴心怵屬夷謀害欲挾奄克孛刺往不從奄
克孛刺遂奔肅州拜牙卽竟棄城走土魯番滿速
兒令夷目火者他只丁及寫亦虎仙滿刺哈三取

皇明世法錄 卷八十一 西戎 三十一
金印守哈密。九年正月。滿速兒率衆至。分據刺木等城。而河西大饑窘。真帖木兒且謂甘州城南黑河。可引灌城。日夜聚謀。侵甘肅。遣番文鎮巡。索金幣萬贖。哈密城印。總制都御史鄧璋等以聞。會四川都御史彭澤。甫平羣盜。

詔移總督甘肅。統延寧固原諸鎮兵。經畧土魯番夷。給事中王江等言。甘肅既有總制。宜罷遣不聽。十年春。澤至甘州。而土魯番寇赤斤苦峪。恣殺掠。復遺書索金幣。澤度滿速兒強。未易兵定。乃以繒綺二千白金器。遣通事火信同寫亦虎仙入土魯番。

說令和好。滿速兒喜。許增幣歸金印。城池澤不俟報。輒上言事定。乞歸。卽召還掌院事。滿速兒諜知兵罷益驕。四出侵掠。關外諸衛。及結瓦刺寇我河西。且遣人索所許增幣。歸印。十一年。甘肅巡撫李昆。以雜幣二百。貽滿速兒。令送拜牙。卽還國。質留來使虎都六撒者。兒糜其意。滿速兒聞質。二夷怒。令火者。他只丁牙木蘭。復占守哈密。而身引萬騎。犯肅州。游擊芮寧禦之。敗沒。亡七百騎。虜迫城下。哈密回夷居肅州城。頗爲內應。兵備副使陳九疇。廉得其情。收繫諸奸回。及都督失拜煙答等。凡衷

甲者捶殺之。嬰城守。調屬夷兵。劫其老營。而潛遣使結瓦刺。擣巢穴。破其三城。滿速兒狼狽走。副總兵鄭廉及奄克孛刺尾擊。則敗之瓜州。九疇遂盡發。寫亦虎仙傾陷哈密狀。滿速兒復請和。巡撫李昆以聞。時方命彭澤及中使張永視師。疏至。罷遣而滿速兒實無意和。九疇與昆異議。兵部尚書王瓊脩郤。澤雅右昆。且心害九疇。能日媒孽西北事。奸夷覘知。本兵指而失拜。燿答子米兒馬黑麻方入貢在京。巧賄權幸。突入長安左門。訟冤。下錦衣衛。會兵部三法司。奏行河西訊報。瓊因發澤欺罔。

辱國。及陳九疇輕率激變罪。十三年逮昆。九疇至。請廷鞫。幾殺澤。九疇大學士楊廷和善澤。得與九疇並削籍。昆謫浙江副使。十四年刑部會訊。并脫寫亦虎仙歿。

上幸會同館。寫亦虎仙以秘術干進。得賜國姓。隨上南征。嘉靖改元。復論斬歿獄中。而臺省交章劾王瓊挾私忌功。廷和陰主其中。起彭澤爲兵部尚書。九疇亦以僉都御史巡撫甘肅。瓊坐謫戍榆林。三年滿速兒大舉入寇。以二萬騎入甘州。九疇率衆先登力戰。解甘州圍。乘夜倍道。間抵肅州。夾擊破。

皇明世宗 卷八十一
之殺火者他。只丁衆譁。滿速兒中流矢歿矣。遂聞上河西危急。

上方遣兵部尚書金獻民都督杭雄濟師至蘭州。聞捷。用九疇議。遷發夷使閉關絕貢。擢賞有差。而滿速兒故無恙也。四年。牙木蘭復據哈密。侵肅州。又入沙州。起原任大學士楊一清督陝西軍務。初哈密二種避仇內徙。一居肅州東關。一居金塔寺諸處。九疇議移肅州北境。棄地以杜後患。一清以各夷一旦外徙。不北合瓦刺。必西連察台。徒足召釁。議遂寢。尋一清召入。盡出平涼所羈夷使。往諭土

魯番。令悔罪歸我哈密。而楊廷和坐議禮罷。彭澤亦去職。諸新貴人張璁桂萼等用事。方讐廷和。知王瓊故怨之。言哈密不靖。繇彭澤。澤以廷和曲庇。惟急用瓊。西鄙乃可寧也。七年春。起瓊兵部尚書。兼右都御史。代王憲總督瓊。上書辨澤九疇事。言滿速兒實不歿。按驗當九疇誣罔。璁萼擬坐斬。并罪廷和。刑部尚書胡世寧力爭。九疇雖上首功。失實。然其人忠勇可任。有功河西。最爲土魯番所忌。得謫戍邊。勒澤及金獻民歸里。時哈密當殘破後。餘衆千餘。走入塞。守城撫存之。歲給耕種。以請乞。

煩兵備副使趙載稍裁額而滿速兒敗歸亦數使
牙木蘭請款其年牙木蘭率衆內附牙木蘭者本
曲先夷幼爲土魯番所掠黠而善兵滿速兒倚之
與寫亦虎仙等專伺我虛實且數盜邊至是滿速
兒令牙木蘭據沙州索羈留貢使且率帖木哥土
巴攻肅州以遲回欲殺之牙木蘭懇率帳房二千
老稚萬人乞白城山金塔寺住牧未報土魯番酋
虎力納咱兒糾瓦刺侵肅州遊擊彭濟禦卻之八
年土魯番貢獅子願歸哈密城及所掠求牙木蘭
瓊奏哈密旣歸乞令失拜煙答子米兒馬黑木守

哈密貢使二十四人遣入京放所羈各番男女凡
千人安插沙州土巴帖木哥部夷五千四百人于
白城山哈密都督札吉孛刺部夷在肅州東關赤
斤都督掌卜達兒子鎖南東在肅州北山金塔寺
罕東都指揮枝丹在甘州南山下兵部議廷臣頗
言哈密難守詹事霍韜力言置哈密者離戎虜之
交以藩屏內郡或難其守審欲棄之將甘肅難守
亦棄不守乎

太宗之立哈密因元遺孽力能自立借虛名以享實
利今嗣三絕矣天之所廢誰能興之唯於諸夷中

皇明世法錄 卷八十一
求雄傑能守城印戢夷落者。卽因而立之。無規規忠順後爲也。胡世寧時爲兵部尚書。言先朝不惜棄大寧交趾。何有于哈密。况初封忠順爲我外藩。而自罕慎以來。三爲土魯番所虜。遂狎與戎比。而疲我中國士馬。耗財老師。轉令戎得挾以邀索。國初封元孽和寧王。順寧王安定王。正與此等耳。安定又在哈密之內。近我甘肅。今存亡不可知。我一切不問。而獨戀戀哈密者何也。臣愚謂宜專守河西。謝哈密無煩中國。便。又言牙木蘭本屬夷歸正。安得索之。土魯番所仗。寫亦虎仙火者。他只丁

今茲斃。而牙木蘭復來歸。是無奈我何。璵等力主瓊議。安插諸夷。肅州境內。獨留牙木蘭不遣。如世寧言。瓊爲滿速兒風諭朝廷威德。九年滿速兒遣虎力奶翁及天方諸夷使貢方物。復索牙木蘭。謀言俟奶翁歸。卽約諸番侵肅州。會虎力奶翁歸道病歿。瓦刺又攻其鄙。我稍息肩。來降人言番酋欲以哈密城與失拜烟答妻管理。兵部因許通貢。著令三年或五年爲期。夷使十二入京。餘留塞上。是後各存哈密。而金印遂失。忠順王拜牙卽終不可復。亡何哈密竟爲土魯番所據。安插諸衛夷皆爲

皇明世宗 卷八十一 三
薦食失故土。住牧河西塞。而北虜窟西海瓦刺巢。北山河西三面竝苦寇盜。哈密殘夷虎爾的等。迫求內附。督撫王夢弼等疏請分發甘肅寄住哈密。都督拜言。李刺等各部下。鈐束選克夷軍。通事食糧隨操。守臣頻歲謹備。羌胡無暇及關外事矣。

赤斤蒙古

赤斤蒙古。周西戎。戰國月氏。秦漢屬匈奴。武帝取爲酒泉燉煌二郡。晉屬郡曰晉昌。唐初屬瓜州。廣德後。歿於吐蕃。宋入西夏。元仍瓜州屬沙州路。其地有白山。饒艸木禽獸。產金駝馬肉菴容。胡桐律。

國朝永樂二年。故韃靼丞相苦木子塔力尼率所部五百人來歸。置赤斤蒙古千戶所。以塔力尼爲千戶。賜誥印。尋陞衛。進塔力尼指揮僉事。十年。叛寇者的罕走匿赤斤。命右庶子楊榮同豐城侯李彬往討。以道險艱。轉餉罷。制諭塔力尼。明年遂擒老的罕來獻。

上悅。厚勞之。進指揮同知。亡何卒。子且加失旺嗣。宣德七年。命居所部韃人祖失加卜。等于平涼。正統五年。且加失旺累陞都督僉事。明年。朝使往哈密。不護出疆。而都指揮輩古者西略沙州。勅諭改圖。

皇明世宗 卷八十一
以偏瓦刺乞內遷肅州白城山不許已請建寺其地守臣謂予寺不已且予巢却之且加失旺卒子阿速嗣始瓦刺也先自阿速父時求婚至是要往受聘阿速以聞復請避地內徙。

詔朕向許爾父自擇便往且見許赤斤世守地奈何棄之爾第保險自備無滋悔是時瓦刺強赤斤蒙古與沙州罕東諸衛名內屬然陰與虜市至受平章等秩累詰責不能禁十一年指揮同知鎖合者赴闕求携部歸命。

上遣還下其事總兵任禮先是苦木娶于西番生塔力尼又娶于韃靼生鎖合者及革古者乃分所部爲三帳自領中帳而令塔力尼領左隸以西番人瑣合者領右隸以韃靼人至且加失旺父子相繼長赤斤部衆強欲併右帳因讐殺鎖合者以窘自歸頃之歿子切塔兒嗣而哈密使者道赤斤爲部酋劫掠阿速不能戢我兵捕首惡械送京師景泰中阿速歷陞左都督五年瓦刺也先以書誘脇赤斤諸衛阿速白其書諭勿與通成化二年卒子瓦刺答兒嗣會哈密王母避居赤斤苦峪諭還故地六年從夷族請以瓦撒塔兒叔乞巴失加卜丁二

人爲指揮僉事佐之。明年瓦撒塔兒卒。子賞卜達兒嗣。十四年。以幼懦衆推指揮加定晉秩代視事。是後土魯番陷哈密。恣掠赤斤。其酋掣印并部落東徙肅州南山。卯來河泉及迤北金塔寺。正德十年。土魯番侵甘州。鹵赤斤人畜千計。奪嗣印去。以都御史彭澤撫賞送歸。而種人散走塞下。衛遂虛。嘉靖七年。兵部尚書王瓊議撫屬夷。查赤斤部可千餘人。以賞卜達兒子鎖南束襲父職朝貢。

安定 阿端

安定韃靼別部也。地廣袤千里。東爲罕東。北抵古

沙州。產駝馬玉石。俗以馬乳釀酒飲之。亦醉。廬用羶帳。無城郭。洪武七年。撒里畏兀兒安定王卜煙帖木兒遣使來朝。貢鎧甲刀劍。

賜金綺。分其酋長爲四部。曰阿端。阿真。苦先。帖里。各賜印。而卜煙帖木兒

賜銀印。仍稱安定王。明年獻元所授金銀字牌。因置安定阿端二衛。分統四部。永樂二年。表貢馬五百匹。令河州衛指揮康壽往受之。壽言令甲諸番貢馬。償以茶。官爲轉輸。令安定遠請給布絹報可。亡何王爲曲先攻殺部落潰散。十一年。其孫亦攀丹

復故封。

賜印誥遣使諭祭前王。二十二年。中使往西域道。歿于賊。都指揮李英率兵至罕東。問故言。賊中使者安定曲先酋也。英進擊安定。俘斬千餘。獲駝馬牛羊巨萬。曲先遁去。宣德二年。以安定僧賞竹領真爲國師。給

誥命銀印。是後王與國師並入貢。而國師外復有禪師。自永樂後留西寧。正統時都指揮汪清疏其窺伺內地。

詔歸安定輔其王。九年安定酋那南奔等掠曲先。勅亦攀丹約束部落。十一年卒。子領占幹。見嗣王尚幼。以其叔輟思叅已爲都指揮。僉事佐之。成化中爲土魯番。殘破弘治初。安定王子千奔嗣。王遣使入貢。會議求哈密忠順王近裔。詭稱安定同系。以姪陝巴承襲。尋見虜土魯番而千奔終弘治貢使相望。正德七年。北虜亦卜剌據西海。破安定。奪其誥印。種人汪纏爾加等寄跡河州。歸德十年。安插西寧。嘉靖中。尚書王瓊行訪求原守墳塔國師。藏卜哈巴及汪纏等。令住牧迤北沙糖川部。酋襲指揮職。領其衆。而安定王苗裔無傳。阿端久沒莫

知其處

曲先

曲先東抵安定，北距肅州，爲古西戎部落。或云亦月氏地也。元置曲先荅林元帥府。洪武四年，設衛以土酋散西思爲指揮同知。頃之，爲土兒只巴所攻，併入安定。居阿真地。永樂四年，徙曲先衛治藥王淮。其後指揮散卽思及安定酋劫殺中使洪熙。改元，命都指揮李英窮追，踰崑崙西數百里，乃還。宣德二年，復掠西域貢使，都督史昭率安定罕東兵討之，進馬贖罪，還其俘，令居故部，指揮那那罕。

表言部落五百餘，爲安定所虜。餘衆潰居西番江，不敢歸。

詔安定王遣還復業，其後屢入貢。正統二年，夷目黑麻兒遣指揮火丁貢方物。成化後，以土魯番及亦不刺侵掠部落，走匿烏思藏。而衛人牙木蘭劫於土魯番，率衆蹂哈密。其兄脫蹄聚帖木哥女弟收衛印部衆二百餘，依帖木哥等於沙州。嘉靖七年，以疑貳擁帳三千，與罕東衛帖木哥土巴等來歸。詔安插牙木蘭於湖廣江夏，遂鬻田宅爲大賈。胡而曲先故地盡失矣。其俗服色尚白，喪易以青。產珊瑚。

珊瑚珠名馬硃砂。

罕東

罕東在赤斤蒙古南亦西戎部落。洪武二十五年涼國公藍玉追捕寇至罕東。將佐諫勿深入不從。縱兵阿真川。土酋哈魯等皆遁去。不見虜而還。三十年酋長鎖南吉刺思遣使入貢。立罕東衛。以鎖南吉刺思爲指揮僉事。永樂二年與其兄答力襲等十六人貢馬。進指揮使。以答力襲爲指揮同知。夷目奴奴爲指揮僉事。各賜冠帶鈔幣。歲脩貢不絕。洪熙元年指揮那那奏部夷負內供馬。迺赤斤

而官兵方討曲先相驚欲爲亂。令守臣招撫之。曲先之役夷目班麻思結率所部從。得首虜駝馬獻。宣德七年以功授指揮使。九年罕東別部劄兒加邀劫使者。命都督劉廣史昭討之。劄兒加自歸還所掠貢馬。謝正統五年赤斤蒙古言指揮鎖合者殺人迺罕東。且誘其部落哈密亦言罕東擅相攻鹵人畜兩


詔諭之。十四年班麻思結言哈密來侵。

上念諸夷數告言構怨。而哈密又累誘瓦剌盜邊。詔都御史馬昂納忠順王無仇罕東。且令偵虜。成化

九年土魯番劫哈密城印。高陽伯李文等調罕東赤斤兵數千。往苦峪關無功歸。時罕東諸夷皆困土魯番。而夷酋奄章先與諸族讐殺。遁居沙州。部落日蕃。班麻思結卽奄章子也。至是其孫只克以沙州衛旣廢。請卽其地立罕東左衛。詔從之。以只克嗣祖秩領衛。尋晉都督僉事。弘治八年。土魯番掠沙州。只克請救。尚書馬文升議發罕東兵往襲。以失期功不就。自是土魯番每入寇。假道罕東。令給食。而亦不刺安定。數掠其貲。罕東益微。弘治時。款肅州塞。請卹矣。正德中。兵備陳九疇擊卻土魯

番。沙州稍得生聚。復歸耕牧。比牙木蘭再入。殘破其酋土巴等。並叛附時。只克卒。孫日羔刺嗣爲都督。嘉靖初。與罕東它酋帖木哥土巴先叛。附土魯番者。皆來歸。尚書王瓊請分其衆。半居肅州。自城山半居。威虜仍擇壯勇練習。番上聽日羔刺約。月餉累萬石。而各夷以城堡未築。環居肅州。二十八年。巡撫楊博始葺威虜金塔寺。諸城堡給以耕爨。安插番帳。凡七百餘。凡部落男婦三千四百餘人。爲申約禁。番漢交通。惟朔望入城市易。四十二年。著令日羔刺等五年一貢。沙州古燉煌地。唐天寶

末陷西戎張義潮以州歸順建歸義軍卽以義潮
爲節度使梁後曹姓代立迄宋朝貢永樂二年置
衛正統中都督喃哥以困死刺率部屬戶二百餘
來歸命居山東平山東昌二衛給糧及耕地有差
衛遂廢或曰二罕東皆在沙州城嘉峪關外夷二
罕東最弱



皇明世法錄卷之八十一終

